

- NAMBA 5 DRO
1. Benardine Tano (AROB)
 2. Clement Daimas (Madang)
 3. Maggie Appe (WHP)
 4. Helen Kodana (Manus)



pepsi® pipol



www.facebook.com /pepsipng



Like

na painim aut moa long ol narapela promosens blong mipla bihain taim.



Nupela prodak bai helpim kantri - P3

O'Neill tok-sori long Solomon Ailan - P6

UPNG bai gat moa spes bihain long 2015 Pasifik gems - P8

Dispela haus long Orukupo Viles long Buin i bagarap bihain long trapela guria i bagarapim ples: Poto Eleanor Maineke.

STET OV ORIJIN PROMOSEN




OR



OR

Win wantaim Ox & Palm long tripela gem!!

Pilai nau na bai yu gat sans long winim wanpela 40 inch flet skrin TV.

Oi Wikli Winas bai winim ol Logitech Spika Sistem.

Sekim moa toksave long stua klostu long yu.

Promosen stat long 05.04.14 i go pinis long 23.05.14.

Guria kilim tupela long ARoB ...ARoB na Milen Be kisim taim long guria na saiklon

Veronica Hatutasi i raitim

TUPELA pipel i dai na samting olsem 25,000 pipel long Saut Bogenvil insait long Atonomas Rijon bilong Bogenvil (ARoB) i kisim hevi long bikpela guria i bin kamap long rijon long las wik Fraide.

Long wankain taim, manimak long ol bagarap we bikpela guria,

strong bilong em inap long 7.3 long Rikta skel i kamapim, em K100,000.

Dispela manimak i karamapim tu kos bilong ol lojistik olsem ol haia kar ol disasta menesmen opisa i yusim long go long ol ples na kisim ripot. Na tu, long helpim ol lain we ol haus bilong ol em guria i pundaunim, na ol gaden kaikai em (guria) i bagarapim.

Wanpela liklik pikinini i gat 4-pela krismas bilong Makis Konstituensi long Buin, Saut Bogenvil i dai taim haus i pundaun. Na wanpela lapun meri long Panguna tu i dai bihain long graun i bruk bikos long guria.

Disasta Kodineta long ARoB, Franlyn Lacey, i tok ples i stap isi nau na i no gat guria o solwara i solap, tasol ol opisa bilong em i bin raun i go long Buin, Torokina na

Siwai long Saut Bogenvil, na long Panguna we ol bin kisim bikpela hevi long kisim ol ripot.

Em i tok ol i redim ol ripot na long dispela Sarere, Mista Lacey bai kisim i kam long ol bosman long Nesenel Disasta na Imejensi Sevis hetkota long Mosbi.

I go moa long pes 2



40% FARE

Our popular 40th Anniversary fare is back!

Available now until the 31st of May 2014. So book early!!

Call toll free on 180 3444 or visit www.airniugini.com.pg and contact your nearest Air Niugini Travel Centre or Travel Agent for further details.



Polye laikim pablik dibet wantaim O'Neill

O'Neill laikim dibet long palamen

Stanley Nondol i raitim

MEMBA bilong Kande na bipo Tresera bilong kantri, Don Polye i tok em i laik dibet o tokpait wantaim Prais Minista, Peter O'Neill, long ol sampela bikpela disisen bilong kantri i kamap aninit long O'Neill gavman.



Prais Minista, Peter O'Neill...



Don Polye...

Sampela bikpela toktok we Mista Polye i laikim pablik dibet wantaim Prais Minista O'Neill em, K3 bilien UBS lon, K50 milien peimen i go long LR Group Ltd-Kampani bilong Israel, K1 bilien biding long Waigani opis, Ok Tedi Maining Limited straksa, Papua Niugini Sastenabel Progam we gavman i tekova na ol arapela moa.

Mista Polye i raitim wanpela pas i go long Prais Minista O'Neill na askm long dibet bai

kamap long 21 de bilong Epril 2014.

Mista Polye i tok ol lida i mas tok stret long ol pipel bilong kantri na em i moa gutpela long pablik dibet i ken kamap na ol pipel yet bai skelim disisen bilong ol lida.

Mista Polye i tok independen bodi olsem PNG Midia Kansol, Nesenel Rises Institut, UPNG Vais Sensela Semina i bai oge-naisim dibet long mes media long

em bai tokpait wantaim Mista O'Neill.

Prais Minista O'Neill long bekim pas bilong Polye i tok i no gat nid long dibet olsem Polye i askim. Tasol em i tok gutpela ples bilong dibet na tokpait long ol hevi bilong kantri em long flo bilong palamen.

Mista O'Neill i tok Polye i tok-tok planti long ol disisen bilong gavman olsem UBS loan.

Polye tu i kisim dispela K3 bilien dinau mani long baim 10 pesen sea long Oil Seach i go long kot. Em i laikim kot bai putim em bek olsem minista bilong Tresari.

Mista Polye i tok ol bipo praim minista bilong kantri olsem Paias Wingti, Sir Julius Chan, na Sir Michael Somare bai kamap long dispela dibet na toktok long kantri long ol sampela disisen bilong kantri i kamap aninit long gavman PNC Pati i go pas long en.

Mista O'Neill i tok em i welkaim Don Polye long dibet wantaim em long palamen haus taim palamen bai sindaun long mun Me.

Prais Minista O'Neill i rausim Don Polye long minista bilong Tresari bihain long em i tok nogat long sainim K3 bilien UBS lon.

Guria kilim tupela long AROB *I kam long pes 1...*

Wankain ripot ol bai givim i go long ol developmen patna olsem AusAID, Nu Silan, Yunaitet Nesenel Dvelopment Progam, Red Kros, Care Intanesenel na Atonomes Bogenvil Gavman long glasim na givim helpim.

Mista Lacey i tok guria i bin pundaunim sampela haus long Buin, Torokina na Siwai.

Em i tok long ol narapela hap bilong AROB, ol bin pilim guria, tasol i no bikpela olsem long Saut Bogenvil.

Em i tok ol bin salim ol tok lukaut long solwara i solap i ken kamap bihainim bikpela guria long olgeta hap bilong rijon na ol liklik atoll ailan, tasol dispela i no bin kamap.

Long wankain taim, ripot Wantok i kisim long Buin i tok ples i go orait, tasol long Tunde, ol bin pilim wanpela guria i kamap.

"Aste (Tunde) long 5.30 moning, mipela i bin pilim wanpela guria, tasol i no bikpela tumas olsem dispela bilong las Fraide," Eleanor Maineke i wok wantaim Buin Distrik opis, i tok .

Em i tok long ol ripot we Buin distrik menesa i kisim, 60 haus, sampela em ol pemenen o ol haus kappa i bagarap taim guria i pondaunim ol. Ol eria we i bungim bikpela hevi em log Baubake, Lenoke na Makis Konstituensi long Buin, na

long Muka eria long Siwai. Mis Maineke i tok nau stap long distrik i orait, tasol ol pipel i lusim ol haus i wok long baim ol bilding metiriel na sanapim gen ol haus bilong ol.

Ol i baim ol nil na ol narapela samting long sanapim ol haus.

Em i tok komyuniti i helpim long bilding ol haus, tasol askim i go aut long ol oge-naisisen, bisnis kampani na husat moa long helpim wantaim ol bilding metiriel samting.

Mis Maineke i tok aste, Buin distrik menesa i salim LIG opisa long go baim sampela kaikai long Arawa log tilim i go long ol pipel i stap long hevi bikos guria

bagarapim ol gaden kaikai bilong ol.

Bogenvil i stap klostu long Solomon Ailan we i wok long bungim hevi na sampela i dai long bikpela taitwara na guria long Honiara na Guadalcanal, na ol hevi i kapsait i kam long AROB.

Long wankain taim, Milen Be Provins i bungim bikpela hevi long Saiklon Ita i bagarapim tu Not Kwinslen long Australia.

Gavana blong Milne Bay Provins, Titus Philemon i tok, em wantaim Provinsol Disasta Komiti i bin holim tupela miting wantaim ol pipel long las wiken long painim aut moa long ol bagarap long ol distrik na ailan.

Bung i bin kamap wantaim strongpela tingting long pipel i helpim ol narapela husat i kisim bagarap.

Em i tok bai wilbaro i raun log Alotau taun we pablik i ken givim ol samting olsem sospan, plet na ol kolos long helpim ol lain i bungim bikpela hevi.

Provinsol Disasta Imejensi kodineta, Eric Balaria i tok samting olsem 50,000 pipel long Milen Be Provins i bin kisim bagarap taim Saiklon Ita i hamarim ailan provins las wik.

Em i tok no gat man i dai, tasol bikpela bagarap i bin kamap long ol haus, ol propeti na ol gaden kaikai.



Ol sampela haus i bagarap na silip taim bikpela guria i kamap long ples Orukupu long Buin. *Poto: Eleanor Maineke*

UCPNG singaut long helpim

LONG dispela wik, Yunaitet Sios Asembli Opis long Papua Niugini i mekim singaut i go long ol memba bilong sios long Papua Niugini.

Asembli Seketeri bilong Yunaitet Sios long PNG, (UCPNG) Uvenama Rove i singaut long ol bisop, seket minista, kongrigesen minista na ol felosip grup long toksave long ol Kristen memba bilong UCPNG long sapatim ol lain i kisim bagarap long saiklon ita long Solomon Ailans na long Milen Be Provins wantaim prea na long givim helpim long mani na samting.

Bel isi bilong God i ken stap wantaim yupela ol Kristen na

memba bilong Yunaitet Sios insait long Papua Niugini. Yumi olgeta i harim pinis, lukim na pilim wanem kain nid ol lain i gat nau long hevi bilong Saiklon ita.

Ol i lusim laip, kisim bagarap long bodi, lusim olgeta samting bilong ol na tingting bilong ol i bagarap.

Insait long dispela taim bilong nid, ol Kristen long olgeta hap bilong graun i mas bung wantaim na PREA na givim helpim long mani na long ol samting ol i nidim.

Plis yupela i mas oge-naisim ol Rijon, Seket na Kongrigesen na famili olsem Bodi bilong Kraus na pre.

Taim Holi Spirit i toktok long hat

bilong yu long wanem kain we bai yu sapatim ol, yu ken ringim Asembli Seketeri long telefon namba 3211921, 72731737, 76849286 na Asembli Tresera long 3211744.

Na sapos yu laik donetim kes mani, yu ken putim i go insait long dispela tras akaun. United Church Assembly Trust Account, Bank South Pacific, Account Number: 1000586718 na salim kopi bilong diposit slip i kam long Asembli Opis, Seksen 01 Lot 03 Douglas Street, United Church Building Level 1 o P. O Box 1401, Port Moresby, NCD.

Mi makim maus bilong Modereeta, Rev Bernard Siai, na tok



tenkyu long gutpela bel na laikim bilong yu long soim Laikim bilong God long ol lain i kisim taim long ol disasta.

Hepi ista!

ISTA TOKSAVE

Wokabout wantaim Jisas

TAIM ol Kristien manmeri i save amamasim Holi Wik na Ista, i save gat planti wokabout long meki.

Long Pam Sande, ol Angliken, na ol arapela Kristien manmeri i save wokabout wantaim ol pam diwai na ol kruse long tingim dispela taim Jisas i bin wokabout i go insait long siti bilong Jerusalem.

Long dispela wik long dispela taim long bipo, Jisas i bin wokabout long olgeta de long Bethany (ples em i bin stap long en) i go long Jerusalem.

Long Fonde, Jisas i no bin go long haus bilong em, em i bin go long gaden Gethsemane, na long hap, ol i bin betrei long em, ol bin i arestim em, na ol i bin karim em i go long Jerusalem long kot.

Bihain long Fraide em i bin karim kruse bilong em na wokabout i go long Golgotha we ol i bin kilim em long hap.

Ol Kristien manmeri long Pot Mosbi, na tu, long ol arapela hap long wol bai wokabout wantaim kruse long Gut Fraide.

Long Pam Sande i go long Ista de, Jisas i mekim planti wokabout. Em i bin harim tok bilong Papa God, na i dai long diwai kros long wasim ol sin bilong yumi ol manmeri bilong graun. Bihain em i bin kirap bek, long go pas long yumi, na helpim yumi long bihainim stretpela laip.

Olgeta ol wokabout we bai kamap long Holi Wik na Ista, i helpim yumi long tingim Jisas. Jisas em i laikim yumi long wokabout wantaim em long olgeta de.

Ol Angliken i save singim dispela singsing long tingim Jisas long taim bilong Ista.

Day by day I walk a little bit closer to my Lord, day by day, day by day, Where he leads me, I will follow, Where he leads me I will go.

Askim yumi mas askim yumi yet em Jisas bai lidim yumi i go long we, Jisas em bai lidim yumi i go long stretpela rot long painim gutpela sindaun.

Sampela ol ples we Jisas i bin wokabout long em taim em i stap laip, em ol ples nogut tru, tasol wantaim lukaut bilong Jisas, yumi i ken wokabout i go long ol dispela hap tu.

I bai gat planti traime we bai laik long daunim yumi long stretpela wokabout yumi, tasol Jisas em i gutpela lida, em bai stap wantaim yumi, na em bai helpim yumi long wokabout bilong yumi.

Jisas bai wokabout wantaim yumi bikos em i gat bikpela laik long ol pipel bilong em ol Kristien.

Yumi mas save olsem yumi olgeta Kristen manmeri em brata na susa, na taim yumi ol brata na susa i lotu, Jisas bai helpim yumi.

Long dispela Holi Wik na Ista, yumi mas tok amamas long Jisas husat i bai long sin bilong yumi olgeta na I kirap bek gen na I stap laip.

Nau Jisas em i stap laip na em i laikim yumi long wokabout olsem em na bihainim em.

Hepi Ista long olgeta na God bles. Jisas i kirap bek long dai na em bai strongim yumi long wokabout bilong yumi.

*Bishop Peter Ramsden
Anglican Bishop bilong Pot Mosbi*

Nupela seving prodak bai helpim kantri

Stanley Nondol i raitim

NUPELA seving prodak bilong Nambawan Super bai helpim Planti manmeri bilong kantri long infomol na fomol sekta long sevim mani long bihain taim.

Moa long 85 pesen bilong PNG populesen i nogat benk akaunt na i no sevim mani long bihain taim. Nambawan Super i lonsim wangepela nupela na gutpela rot bilong sevim mani long nupela rot, ol i kolim CHOICE SUPER.

Choice Super em i bilong husat i no wok long fomol sekta na nogat seving long Namba wan Super.

Ol lain husat i ken sevim mani long Super Choice em, ol papagraun bilong

maining na ges, i klik bisnis manmeri, ol lain wok long ol plantesen, ol maket lain, ol ovasis lain i wok long kantri, wokman bilong kampani i no save sevim mani bilong wok long ol supafan na ol fama olsem kopi, kakao na kokonas groa.

Nambawan Super i kamapim dispela long ol dispela lain i ken sevim mani long bihain taim bilong ol. Ol i ken sevim long mani mak bilong K20 na i go antap. Ol i ken deposit long olgeta fotnait o long wanwan mun.

Nambawan Super i tok ol sevis ol memba bilong SUPER Choice bai kisim i wankain olsem ol memba bilong Nam, bawan Super.

Bihain long 5-pela yia, ol

memba bilong Super Choice i ken kisim mani long wokim haus long seving bilong ol. Super Choice memba i ken kamap memba bilong Nambawan Seving na Lons na i ken kisim dinau mani taim mani bilong ol long Super Choice i wok yet long givim winmani.

Nambawan Super em i bikpela supa anuesen fan long kantri na i gat total net asset i stap long mak bilong K4.5 bilien. Em i gat 147,000 memba na i wok long gro yet.

Namba wan Super i toktok wantaim BSP benk na bai kamapim wangepela diposit slip long ol kastoma i ken

mekim diposit yusim ID namba bilong ol yet we Namba wan Super bai givim.

Ol memba bilong Super Choice i ken mekim diposit long bikpela mani long laik bilong ol yet long taim ol i laikim.

Nambawan Super bai lukautim mani na peim winmani wankain olsem ol arapela memba na bai mekim ol invesmen long laik.

Ol Super Choice memba bai nonap rausim mani bilong ol inap ol i go 55 krismas. Tasol ol i ken kisim long wanwan mun olsem unemployed o nogat wok benefit.



Sir Mekere: PNGSDP i wok yet

- Gavman i no stopim aset
- Kot long Singapore i stap yet
- I no muvim operesen i go long Australia

Stanley Nondol i raitim

SIAMAN bilong Papua Niugini Sustainable Development Program (PNGSDP) i tokaut olsem operesen bilong PNGSDP i no stop na kampani i mekim wok yet. Em i tok gavman i no stopim aset na wok.

Sir Mekere i tok, long las wik PNG gavman i tok em i stopim aset bilong kampani i no tru. Em i tok wok bilong kampani i ran nomol yet.

Sir Mekere long wangepela media advertisen long dispela wik i tok PNGSDP i wok aninit long koporet konstitunel document em long Memorandum na Atikel bilong Asosisen na Program Ruls.

Dispela dokumen i tokaut long rot kampani i mas wok aninit long en. Program Ruls i tok klia long rot b ilong yusim mani na aset bilong PNGSDP long givim ol sevis long Westen provins na PNG.

Taim kampani i statim operesen long 2002, em i yusim K1.18 bilien long moa long 600 projek long Westen provins na PNG.

Sir Mekere i tok PNGSDP i kisim kot eksen agensim gavman long banisim stet long noken kisim aset na mani bilong kampani. Na PNG gavman i failim aplikesen bihainim dispela kot long kisim tok orait bilong bikpela kot bilong Singapore long stopim PNGSDP i noken yusim ol aset bilong kampani.

Sir Mekere i tokaut olsem dispela kot long Singapore i



Siaman bilong PNGSDP, Sir Mekere Morauta

stap yet na nogat wangepela disisen i kamap yet. Em i tok PNGSDP oporesen i nomol na gavman i no stopim kampani long yusim aset na wok i rat nomol long dispela taim.

Sir Mekere i tok PNGSDP i no muvim opis i go long Australia olsem Atoni Jenerel Kerenga Kua i tok long long las.

Long las wik Mista Kua i bin i tok PNGSDP i rausim olgeta developmen program na projek long PNG na muvim operesen i go long Australia na dispela i no gutpela pasin.

Tasol Sir Mekere i tok tok tok bilong Mista Kua i no tru. Em i tok PNGSDP i gat opis long Pot Mosbi.

Sir Mekere i tok PNGSDP bai pait strong long dispela kot pepa we PNG gavman i failim long Singapore long stopim aset na givim narapela lain long menesim.

Sir Mekere i tok PNGSDP bai go het wantaim kot long Singapore agensim PNG gavman na intanesenel Senta bilong Setelmen ov Invesmen Disput long Washington DC long America.

How do I Bank with BSP?

"My style of banking requires convenience and flexibility. It's a **Convenient** way to Bank. I can send money home even while I'm out shopping. With BSP Mobile Banking **Funds Transfer**"

Sandy 25,
BSP Mobile Banking Customer

mobile banking
Anytime, Anywhere!

SPECIAL OFFER

TOP-UP K3.00 OR MORE VIA BSP MOBILE BANKING & GET K1.00 FREE EXTRA CREDIT FROM DIGICEL

For more information
 ☎ 320 1212 / 7030 1212 - 24/7
 ✉ servicebsp@bsp.com.pg
 🌐 www.bsp.com.pg



Kutubu LLG i kisim developmen plen long Oil Search

Stanley Nondol i raitim

KUTUBU Lokol Levlo Gavman (LLG) long aste i kisim 5-pela yia developmen plen long Oil Search long mekim isi long givim sosel na iekonomik developmen long Kutubu.

Eksekutive Jenerel Menesa bilong Ekstenel Afeas, Gereaa Aopi, long Tude dispela wik i givim developmen plen i go long presiden bilong Kutubu LLG, John Pipi bihain askim, bilong asembli memba bilong em.

Mista Aopi i tok Kutubu LLG i kam aninit long Petroleum Developmen laisens eria, na ol winmani bilong ol risos long eria i ken karim gutpela kaikai wantaim dispela plen.

Em i tok Oil Search i mekim dispela plen long LLG bai yusim long yusim ol winmani bilong ol risos na givim ol gutpela sevis i go long pipel long Kutubu LLG.

Mista Aopi i tok Oil Search i kamapim dispela plen bihain

long stadim gut ol developmen bilong eria na i tok em bai helpim gut long wok bilong LLG long skelim ol risos, wok man na ol arapela sevis i kam long ol risos na pipel bai kisim ol sevis long sapotim ol yet.

Mista Aopi i tok Oil Search i bin sapotim ol gavman program long mekim ol developmen long Pablik Patnasip Program na i tok em i moa gutpela long wan wan LLG i bai gat plen long eria bilong ol yet.



President bilong Kutubu Local Level Government John Pipi Kila (left) i kisim 5 yia developmen Plen long Oil Search Eksekutiv Jenerel Menesa bilong Ekstenel Afeas na Sastenabiliti, Gereaa Aopi,



PUBLIC NOTICE

This NOTICE serves to advise all our valued Clients in Provinces and Districts where we operate that as of January 2014 Water PNG will not entertain Water Connections to rental properties under tenant(s) name(s). Note the following:

- All water connection and reconnections to rental properties will be the sole responsibility of the Landlord. Property owners leasing their properties are the only persons entitled to apply for Water Service to their properties;
- Water PNG will not accept applications from Tenant(s) who is/are leasing the property for connection/reconnection of Water services.

Property owner(s) means those who hold Title to Land. These includes individuals, Incorporated Land Groups (ILG), Business Houses, NGO, Religion Institutions, District Administrations, Provincial Administrations, National Housing Corporation who hold Title to a property.

When applying for Water connection/reconnection, it is advised you;

1. Show proof of ownership of property by showing a copy of the Property Title.
2. Find out about debts on your property. Outstanding debts have to be settled in full before water services can be connected to the property.

Please kindly take note of this notice so as not to cause any inconvenience to you and your tenants. Water PNG will deny Water Services to any rental property without the above mentioned requirement from the property owner. **REMEMBER – Only Land Lords or Property Owners Will Apply for Connections/Reconnections.**

- For settlement areas, ownership titles must be organized with the customary landowners through appropriate channels under Customary Land Laws;
- Government or other alienated area wastelands not fit for human habitation will not have water connection if not properly titled by the Department of Lands and Physical planning.

Authorized by;

Mr. Raka Taviri
Chief Executive & Managing Director
Water PNG.

Ista Toktok bilong CBC Jeneral Seketeri



Fr. Victor Roche, SVD,
Jeneral Seketri, CBC PNG/SI.

Ista em i taim bilong selebretim kirap bek bilong Jisas. Em i dai long diwai kros na em i kirap bek gen long matmat. Jisas em i dai klostu nau tu tausen yia i go pinis. Dai bilong Jisas bai mekim wanem long mi tude? Em i hat long yumi bai kisim save tru long dispela.

Long mekim sotpela toktok, bai yumi tok olsem, God i laikim yumi tumas na em i kamap man olsem yumi na i kam stap namel long yumi. Em i dai long diwai kros, na em i wanpela kain sem pasin bilong ol Juda lain stret. Em i dai long pe bilong sin bilong yumi na long lusim rong bilong yumi. Jisas i daunim sin na satan wantaim dai bilong em, na em bilong yumi ken kisim laip olsem ol pikinini bilong God. Em i wok bilong yumi nau long wanem kain pasin bai yumi stap long dispela laip wantaim wok na gutpela tingting.

Jisas i kamap sevia na pren bilong yu na mi. Em i givim wanpela gutpela tok long yu na mi, "Mi stap wantaim yu taim yu karim pen na kisim bagarap. Mi dai long kisim ples bilong yu, long yu bai kisim laip bilong yu bek."

I gat planti pipel nau i stap wantaim ol sik we marasin i no inap long pinisim; planti i stap wantaim bikpela hevi bilong famili na planti moa i stap rabis tru na i no gat samting.

I gat ol ples na komyuniti nau i gat birua long ol yet na pait long haus lain i stap; yumi gat asailum sika long Manus na long sampela arapela provins bilong PNG. Ol i no gat kantri long kolim nem bilong ol o long stap aninit long banis bilong en.

Kantri bilong yumi PNG i gat ol hevi bilong em yet: I gat tok pait namel long ol lida man bilong kantri; kain kain korapsen i stap; stil pasin long ol maket na long ol opis; famili na spirit laip i bagarap tru, na ol kain samting olsem.

PNG em i Kristen kantri; PNG em i kantri bilong God; Yumi i pipel bilong God; maski yumi pundaun; yumi mas kirap gen. **Hepi ista!**

O Neill tok sori long Solomon Ailan

LONG las wik, Praim Minista bilong Papua Niugini Peter O Neill i tok sori i go long Praim Minista bilong Solomon Ailan, Gordon Darcy Lilo, long ol bikpela tait wara we i bagarapim sindaun bilong ol pipel.

Praim Minista O Neill i tok gavman bilong PNG bai givim K1 milien kina long helpim ol pipel husat i kisim bagarap long Solomon Ailan.

Ol pipel bilong Solomon Ailan bai yusim dispela mani long stretim sindaun bilong ol na stretim tu ol infrastraksa we i bin bagarap long taim bilong bikpela wara.

"Long makim maus bilong ol pipel bilong PNG, mi laik tok sori long ol famili husat i kisim bikpela bagarap long Solomon Ailan.



Praim Minista Peter O Neill i luksave long ol wan solwara bilong yumi long Solomon Ailan long taim bilong hevi.

Na mi prei olsem Papa God bai lukautim ol long dispela taim bilong hevi," Praim Minista Peter O Neill.

Em i tok gavman na ol pipel bilong PNG bai sanap strong wantaim ol pipel bilong Solomon Ailan na helpim ol long

ol wik i kam.

Ol manmeri bilong Solomon Ailan long Papua Niugini, Australia, na ol arapela hap long wol i wok long reism mani long sapatim ol pipel husat i painim bagarap.

Gavana bilong WNB sapatim edukesen

Timothy Poroda i raitim

GAVANA bilong Wes Nu Briten (WNB), Sasindran Muthuvel i bin raun i go long Madang long las wik long bung wantaim ol sumatin bilong Wes Nu Briten husat i save skul long Divain Wod Yunivesiti (DWU).

Ol sumatin bilong ol arapela koles long Madang, na tu, ol bik manmeri bilong ol dispela bikpela skul i bin stap long harim toktok bilong Gavana Muthuvel.

Gavana Muthuvel bai raun i go long olgeta yunivesiti na koles insait long kantri long toktok na helpim ol sumatin bilong WNB.

Long DWU, gavana Muthuvel i givim K2000 sek mani helpim long sumatin husat i save skul long DWU.

Gavana Muthuvel i givim sampela mani tu long ol arapela koles insait long Madang. Ol dispela skul em Madang Teknikel Koles, Madang Tisa Koles na Lutren



Gavana bilong Wes Nu Briten, Sasindran Muthuvel i givim K2000 sek mani i go long presiden bilong Wes Nu Briten Sumatin Asosiesen (WNBSA) Quinton Talin-gapoa long DWU campus long las wik.

Skul ov Nasing (LSON).

Gavana Muthuvel i tok long Goroka, ol i bin sainim wanpela agrimen pepa wantaim Yunivesiti ov Goroka (UOG) long givim trening long ol elementeri tisa bilong provins.

Em i tok em i salensim ol sumatin bilong WNB

husat i skul tisa long go bek na givim sevis long provins. Em i salensim ol arapela sumatin tu long mekim wankain.

Em i tok skul em i wanpela bikpela samting. Em i givim dispela tok long strongim ol sumatin bilong WNB long wok hat na helpim

blong em na provins bilong ol.

Ol arapela samting we Gavana Muthuvel i tok tok long en, em long stap wantaim gutpela pasin. Em i laikim ol sumatin long stap gut insait long skul wantaim gutpela pasin.



Wantok Sevei Wina bilong Wik

Long las wik, wanpela wina bilong Wantok Niuspepa Sevei, Jimmy Male i bin kamap long opis bilong Wantok antap long Able Computing long Waigani Drive na i kisim wina awod bilong em.

Jimmy i save stap long Erima Settlement na em i save baim pepa bilong em long J-Mart Supamaket long Erima yet.

"Mi ritim Wantok em mi save kisim gutpela tingting," Jimmy i tok. Pinis.

Poto: Jimmy Male i traim nupela Wantok Sevei hat bilong em na sekhan wantaim Sekulesen Menesa bilong Wantok Niuspepa, Luk Mek insait long Wantok Opis las wik.

GG i wari long PNG-Indonesia boda

GREN Sif na Gavana Jenerel, Sir Michael, Ogio i tok em i wari long ol asua we i wok long kamap long boda bilong Papua Niugini na Indonesia long dispela taim.

Em i tok olsem militari kapasiti o ami bilong PNG i no inap, na i liklik, na long dispela as, planti ol kain kain asua i kamap long boda.

Em i tok intenesenel



GREN Sif na Gavana Jenerel, Sir Michael Ogio, wari long boda asua...

sekyuriti em i wanpela bikpela samting we

Papua Niugini mas lukluk long en. Em i tok

gutpela intenesenel sekyuriti bai mekim ol arapela kantri i rispektim ol boda na eria bilong wan wan.

Sir Michael Ogio i laikim ol arapela kantri long rispektim boda bilong Papua Niugini, na Papua Niugini long rispektim boda bilong ol arapela kantri.

Em i tok sapos yumi i rispektim boda bilong wan wan, yumi bai stap wantaim bel isi.

USA na PNG strongim rilesensip

GREN Sif Gavana Jenerel Sir Michael Ogio i bin bung wantaim Admiral Samuel K Locklear long dispela wik.

Long bung bilong dispela tupela bikman, Sir Michael Ogio i tok Yunaitet Stet ov Amerika (USA) na Papua Niugini i save serim bikpela tingting bilong demokresi, na dispela bilip bilong tupela i save strongim releisensip bilong tu-

pela long Pasifik rijon na tu long wol.

Sir Michael Ogio i amamas long raun bilong Admiral Locklear long Papua Niugini, na em i bilip olsem dispela raun bilong em bai strongim wok bung bilong tupela kantri.

Admiral Locklear i tok dispela em namba wan taim bilong em long raun i kam long Papua Niugini, na em i gat bikpela intres long dispela rijon we

Papua Niugini i stap long en.

Em i tok wok bung bilong USA wantaim PNG na ol arapela kantri bilong Pasifik na Esia bai kamapim bel isi long rijon na tu long wol.

Em i tok long 70 yia long bipo, Wol Wo 2 i bin bagarapim laip bilong ol manmeri long Pasifik, na em i gat komitmen long lukim olsem dispela kain bikpela pait bai i no



Gren Sif Gavana Jenerel Sir Michael Ogio i toktok wantaim Admiral Samuel K Locklear.

Strongpela sekyuriti long Ista wiken

Kolopu Waima i raitim

OL POLIS long Nesanel Kapital Distrik (NCD) bai putim strongpela sekyuriti long siti long taim bilong Ista wiken.

Nesanel Kapital Distrik Ekting Metropolitan Komanda, Supritenden PerouN'Dranou, i salim strong-

pela tok lukaut long pablik long no ken bikhet namekim nabaut long taime bilong Ista selebresen.

Supritenden N'Dranou tok ol polis bai mekim save long husat man o meri i brukim lo.

"Yupela ol lain husat i brukim lo long namba wan taim i mas lukaut. Sapos yupela dring bia o mekim ol

narapela pasin i no gutpela, bai ol polis i mekim save long yupela," Supritenden N'Dranou i tok.

Em i tok Ista emi taim bilong tingim Jisas Kraus, stap isi na selebretim wantaim ol famili na ol sios memba na i no long mekim ol pasin i no stretpela.

Supritenden N'Dranou i tok ol

NCD polis istatim pinis polis opere-sen long strongimsekyuriti long Ista.

Em i tok Ista Operesen 'JesuMaino'ibin stat long las wik Fraide wantaim ol polis stesin komanda, ol polis bilong Dok Yunit, Mobail Skwad Yunit, na ol Polis Ban. Ol dispela grup bilong polis bai wok insait long siti long

strongim sekyuriti na husat i brukim lo, ol bai mekim save.

Supritenden N'Dranou tok ol polis bai go aut long olgeta strit na setelmen long siti stat long Fraide long dispela wik.

Em i tok tu olsem ol polis bai sanapim ol rot blok long sekim ol man o meri husat i karim bia o dring

PNG Baibel Misin kam aut pablik



Ol tripela lida meri, L-R Ruth Pisa, Siameri bilong Pot Mosbi meri bung, Rachel Rara, Hetmeri bilong PNG BMC meri, Dorothy Luta, namba tu siameri.

Frieda Sila Kana i raitim

KLOSTU 600 meri husat i save lotu long PNG Baibel Misin Sios i bin kam bung long Tokarara Sekendri Skul long Pot Mosbi long dispela wik.

PNG Babel Misin Sios 2014 Nesanel Women Autris i bung wantaim bikpela em i namba wan taim stret long ol i kamapim wanpela autris long nesanel.

Dispela sios i bin stap long PNG insait long Yalibu, Sauten Hailans stat long 1960 taim wanpela misineri i bin kam stret long Amerika, tasol dispela em i namba wan taim stret long ol i kamapim wanpela autris long nesanel.

Florence, wanpela meri long Mosbi autris i makim maus bilong lida meri, Ruth Pisa na i tok welkam long ol meri i kam bung.

"Em i bikpela samting tru long ol meri i kamaut pas long ol man insait long sios long autim nem bilong Bikpela na pasin Holi bilong God long ol narapela Kristen manmeri. Yumi ol meri i save stap olsem laplap bilong klinim lek tasol nau, bikos long Jisas em yumi ken sanap holim pulpiti na autim tok bilong God. Yumi meri i save lukautim pik na ol man i save karim i go insait long haus man, tasol nau, yu lukautim pik nay u go salim na kisim mani ya! Em bikos long Bikpela tasol i mekim laip bilong yumi i kamap olsem." Em i tok.

Ol meri i kam long Hailans na Momease Rijn na planti bilong ole m i namba wan taim long lusim ples bilong ol, kalapim olgeta taun na i kamap long Mosbi. Dispela i brukim bel bilong ol na ol i kraik long tai mol Pot Mosbi mama grup i mekim welkam long ol i kam insait long hap

bai ol i stap lotu long dispela wik.

Ol dispela meri i kisim helpim long ol pikinini bilong ol husat i wok long ol taun na ol i baim tu we tiket na ol i kamap long Pot Mosbi long mekim wok bilong God.

"Namba wan as em mipela i laik tokaut olsem God em i holi na ol Kristen husat i lotu long em i mass tap holi insait long lewa bilong ol stret. Mipela i mas kamap olsem lait antap long tebol na mipela i no ken haitim aninit long baket. Ol manmeri i mas senis insait long laip," Rachel Raka, Nesen Siameri bilong sios i tok.

"Misineri i kam long US na i bringim tok i go insait long bus stret na nau mipela i laik kisim kam aut. Mipela bai mekim autris long ol maket na ol pablik ples long Pot Mosbi long soim dispela lait.

Olgeta sios i no save autim dispela tok na bihainim. God em i holi na yumi mas bihainim pasin bilong em. Hibu 12:14 i tok, yumi mas wok strong long bihainim pasin bilong God na bihainim pasin i holi. Man i no gat pasin bilong God, em bai i no inap lukim bikpela. Olsem na yumi mas givim aut dispela tok save.

Ol meri i baim K100 fi long kam rejista long dispela konvensen. I gat 38 aut stesin i stap long Kagua distrik tasol long kantri i gat 350 lokol sios i stap. Long Mosbi em autris sios i stap long 8-Mail Setelmen.

"2 Timoti 3:16 i tok, olgeta tok em Holi Spirit i raitim. Sampela pasin yumi mas bihainim long soim pasin holi em long kain klos yumi meri i werim. Sios bilong mipela i tambu long ol meri i putim trausis. Dispela em i stap long buk Lo 22:5." Dorothy Luta i tok.

"PNG Baibel Misin Sios i save sanap long Tok bilong God."

Luma bai stap olsem seketeri yet

SIF Jastis Sir Salamo Injia i tok olpela Seketeri bilong Woks, Joel Luma, i stap olsem yet Seketeri bilong woks.

Sir Salamo i tok aplikesen bilong gavman long salensim kot oda long putim bek Mista Luma em ol bai harim wantaim ful tripela man Suprim kot Jas.

Sir Salamo i tok long lo bilong Suprim kot, em bai givim dairekesen long dispela kot long kamap ful tripela man Jas.

Gavman iapil long kot long dispela wik Mande long stopim disisen bilong Suprim kot long putim bek Mista Luma olsem Woks Seketeri.

Gavman ifailimnotis bilong apil long Epril 11 long Suprim kot long salensim interim oda

we Jastis Colin Makaili givim long las wik Fonde long putim bek Luma olsem Seketeri bilong Woks.

Ol loya bilong gavman i tok dispela ruling bilong Jastis Makaili kamapimsindaun nogut long Woks Dipatmen.

Loya bilong Mista Luma, Rex Mannrai, i tokim Kot olsem em ilaikim moa taim long wokim olripot.

Mista Luma i bin go long Nesanel Kot long salensim disisen bilong Nesanel Eksekutyiv Kaunsel (NEC) long rausim em olsem Seketeri bilong Woks long Novemba 29, 2013.

Nesanel Kot i bin stopim aplikesen bilong Mista Luma, tasolem i apil gen long Suprim Kot.

Yangpela man bai kalabus long 22 yia

WANPELA yangpela man i gat 23 kris-mas i go kalabus long 22 yia long mekim pasin nogut long wanpela liklik meri.

Jastis Salatiel Lenelia i kalabusim Steven Fred long 22 yia.

Jastis Lenelia i tok em i kalabusim Mista Fred bikos em i mekim pasin no gut long wanpela 9 yia liklik gel. Dispela em i kamap long Is Nu Briten Provins.

Jastis Leneliai tok Mista Fred bai kisim 17 yia long mekim pasin nogut long liklik gel i gat 5 yia long em i bin holim em tupela taim.

Em i tok dispela kain pasin no gut olsem ol i mekim ol meri i nomal long Is Nu Briten Provins.

Jastis Leneliai tok dispela liklik gel i kisim bikpela bagarap na tu pilim pen long kain pasin Mista Fred i mekim long em.

Dispela hevi i bin kamap long Januəri 22, 2013.

Raskol kilim skul meri

POLIS long Nesanel Kapital Distrik (NCD) i tok tripela dai i bin kamap long tripela hap long NCD.

Nesanel Kapital Distrik Ekting Metropolitan Komanda, Supritenden PerouN'Dranou, i tok sampela man i pulim wanpela skul meri na mekim pasin nogut long wailaip eria long las wik Sande.

Em i tok ol dispela man i kisim dispela yangpela meri i go long wanpela maunten long wailaip na

mekim pasin nogut na bihain ol i kilim i dai.

Supritenden N'Dranou i tok ol polis bilong Godons i holim pinis wanpela man long dispela samting na ol bai i askim em.

Narapela trabel i bin kamap long Lawes rot long Konedobu long Nesanel Kapital Distrik yet.

Supritenden N'Dranou tok ol i bin painim wanpela bodi ol i bilip olsem wanpela man lalibu long Sauten Hailans Provins.

Long wan kain taim, narapela hevi i kamap long Frangipani Strit long Hohola long Mosbi.

Supritenden N'Dranou tok sampela man i ronim wanpela man Manus taim em i wokabout i go long haus bilong em. Ol wantok bilong dispela man i painim bodi bilong em long wanpela baret arere long rot long neks morning.

Em i tok polis i mekim wok painimaut nai bilip olsem ol bai holim pasim sampela man klostu taim.

FARM TRACTORS

- 120hp
- 90hp
- 70hp
- 50hp
- 40hp

- Slashers
- Disc Ploughs
- Disc Harrows
- Post Hole Augers
- Trailers

AGMARK MACHINERY

PORT MORESBY: 323 2658 | Digicel: 7215 0333 / 7217 9815
LAE: 472 6324 KOKOPO: 982 6748 | email: machinery@agmark.com.pg

PNG nau i gat Kensa Faundesen

Frieda Sila Kana
i raitim

Mande 14 Epril 2014 i makim de Papua Niugini i kisim wanpela Kensa Faundesen taim Siaman wantaim ol bot memba na ol woklain i tokaut long ol nius lain long wanpela kibung long Pot Mosbi Yacht Klap.

Siaman bilong bot bilong PNG Kensa Faundes, Gereia Aopi i mekim luksave long tupela Embeseda bilong Faundesen husat i bin stap long dispela taim bilong tokaut long pablik olsem nau dispela Faundesen i stap.

Dispela tupela embeseda em Linda Babao O'Neill, meri bilong Praim Minista Peter O'Neill na narapela em Will Genia, biknem ragbi union pilaia bilong Queensland Red klab long Australia.

Mista Aopi i tok olsem, dispela Kensa Faundes em bai wankain olsem Australia Kensa Faundes. Kamap bilong dispela faundesen nau i min olsem, Pot Mosbi Kensa Rilif Sosaiti bai bung wantaim dispela ogenaisesen na wok bung wantaim long daunim sik kensa long kantri.

Siaman, Gereia Aopi i tok Helt Dipatmen i bin helpim long kamapim dispela NGO wantaim mani i kam long Australia Gavman. Ol i bin kirap long mekim dispela wok long 4-pela mun nau na em i gutpela taim long tokaut long pablik olsem dispela faundesen i kirap pinis.

Bihain long dispela lons bai i gat tupela bikpela samting i kamap long mekim fan resing bilong faundesen. Namba wan em ol bai

holimm wanpela bikpela moning ti we Misis Linda Babao O'Neill bai go pas long en long Pot Mosbi insait long mun Me.

Narapela em bai ol i holim gen Oil Search Daffodil Golf Tonamen long Ogas. Australia em i namba wan sapota bilong faundesen na ol narapela olsem WHO i helpim.

Liklik lain wokmeri na man i bin stap wantaim CEO bilong Faundes, Dadi Toka Junior wantaim Siaman bilong Faundes na ol memba.

Deputi Seketeri bilong Helt Dipatmen, Dokta Dakulala i makim Nesanel Helt Dipatmen long dispela lons. Em i tok, 'helt em i wok bilong olgeta lain', olsem na yumi nidim olgeta stekholda long kam bung wantaim long kamapim ol gutpela wok



PNGSDP i wok wankain tasol, nogat senis

Kampani em i wok yet long bringim helpim long ol pipel bilong Westen Provins long pasin bilong lukautim olgeta aset bilong ol, bilong stap gut long bihain taim.

Ol toktok Nesanel Gavman i bin mekim insait long nius i no long taim i go pinis, wantaim het tok, "Gavman i stopim PNGSDP long salim ol aset," em i no tru. PNGSDP i wok yet olsem pastaim mipela i wok i stap. Dispela kampani i wok aninit long karamap bilong sampela ol Konstitusen Toktok:

- Memorandum na Artikel bilong Asosiesen na ol Lo bilong Program.

Ol dispela pepa bilong lo i save givim stia long kampani long wok. Ol Program lo i tok olsem PNGSDP i mas givim ol samting em i gat long mekim wok bilong sosoal na iekonomik developmen insait long Papua Niugini na Westen Provins.

Long taim kampani i bin stat wok long yia 2002, em i bin yusim K1.18 billien long kamapim moa long 600 projek insait long Papua Niugini, na moa long Westen Provins. Long Oktoba las yia, PNGSDP i kirapim wanpela kot long Singapore Hai Kot long banisim em yet na ol samting em i gat, na bai i stopim Stet long kisim. Nau Stet i bekim dispela toktok bilong kot wantaim ol aplikesen bilong ol oda long stopim kampani bai i no ken kisim olgeta aset o samting bilong en.

Singapore Hai Kot i no tokaut yet long wanem samting bai kamap long aplikesen bilong Stet. Dispela samting nau i stap long han bilong Singapore Hai Kot long mekim disisen olsem na em bai i no gutpela long PNGSDP i mekim wanpela toktok long en.

Bihain long Singapore Hai Kot i tok wanem, orait, PNGSDP i ken go het wantaim ol wok bilong en olsem wanpela kampani. PNGSDP bai bihainim tasol wanem samting Kot i tok long en.

Midia rilis bilong Stet i tok, PNGSDP i karim olgeta samting bilong em i go long Australia pinis. Dispela tok em i no tru. PNGSDP i gat hetkwata long Pot Mosbi na em i stap yet. Em i gat ol opis tu long Daru na Singapore. PNGSDP i statim pinis intenesenel abitresen long kotim Stet long



Intenesenel Senta bilong Invesmen Setelmen Dispiut (ICSID).

Insait long abitresen, Kampani i laik traim long kisim bek 63.4 pesen sea bilong en long OK Tedi Maining Ltd, o sapos nogat, ol i mas bekim wantaim mani i go long PNGSDP. Hap sea bilong PNGSDP long Ok Tedi em Stet i bin rausim nating long Septemba las yia. ICSID kot nau i wok long go yet.

Mekere Morauta, KCMG
Chairman



Ol bod memba, CEO Dadi Toka Jnr, Misis Linda Babao O'Neill, Dokta Pyson Dakulala, Siaman Gereia Aopi, Dokta Lyndia Sirigoi, Will Genia, Dokta Carlos Williams. Foto: Frieda Kana

Hepatitis C Tritmen Gaidlain i redi

WOL Helt Ogenaisesen (WHO) i pinisim ol tok save bilong kisim marasin bilong sik hepatitis C. Hepatitis C em i wanpela strongpela sik we em i save kisim namel long 130 milien na 150 milien pipel na i save kamapim 350 000 na 500 000 dai long wan wan yia.

Ol WHO Gaidlain bilong sekim, kea na tritmen bilong ol pipel i gat hepatitis C sik i bin kamaut long 2014 intenesenel Liva Kongres, we 10,000 deliget i bin bung long London na toktok. Ol dispela gaidlain bilong sekim na lukautim ol lain i gat sik hepatitis C i kam wantaim gutpela ol marasin long dispela yia, na moa marasin bai kamap long yia bihain.

"Ol nupela gaidlain i helpim ol kantri long kamapim gut ol tritmen na kea bilong ol hepatitis C na daunim namba bilong ol lain i save dai wantaim liva kensa na cirrhosis." Em i tok.

WHO bai helpim long bringim ol nupela

marasin saplai i kam insait na mekim wok ii isi long siklain ii ken kisim marasin ma lukluk long kwaliti bilong hepatitis le-boretori tes.

Dokta Peter Beyer, Senia Edvaisa bilong WHO i tok, "Stori bilong dispela sik long bipo i soim olsem yumi nidim wanpela bikpela strateji long ol siklain i no save kisim tritmen. Nau WHO i kamapim ol gaidlain em i bikpela senis."

I gat rekomendesen bilong mekim moa tes long ol pipel i kisim sik hepatitis C, edvais long daunim bagarap long liva na long makim ol gutpela tritmen bilong ol lain i kisim dispela sik.

Sekim: WHO i laikim ol lain i stap long mak nogut long kisim tes. Na long ol lain i soim i gat binatang i stap long blut bilong ol, i mas mekim narapela tes gen, long luksave sapos ol i kisim strongpela hepatitis C o nogat.

Stopim bagarap long liva: Bia na ol strong-

pela dring i ken kamapim bagarap long liva hariap wantaim sik hepatitis C. WHO nau i wok long tok save long ol pipel i gat strongpela sik hepatitis C long sekim blut bilong ol.

Tritmen: Gaidlain i givim tok save long ol marasin i stap nau em ol interferon sut na tu ol nupela kain marasin ol i dring. WHO bai givim nupela tok save bilong ol nupela marasin taim i kamaut.

Stopim: Ol rekomendesen bilong 2014 i bungim olgeta toktok bilong ol lain bilong mekim lo na ol helt kea woklain i mas yusim long stopim sik hepatitis C i no ken kalap long narapela.

I gat 5-pela kain hepatitis binatang i stap, em A, B, C, D na E. Hepatitis B na C i gat bikpela mak long pablik helt bikos ol i save kamap strongpela na i ken go bikpela na kisim cirrhosis na liva kensa. Hepatitis A na E, i save ran long doti wara na kaikai.

Australia Awot i laikim moa meri i aplai

Frieda Sila Kana i raitim

AUSTRALIA Awot Skolasip program long Papua Niugini i laikim bai moa Papua Niugini meri i putim nem long kisim skolasip bilong go skul long Australia.

Senia Skolasip Kodineta bilong Australia Awot, Belinda Geniembo i bin toktok long ol meri long wanpela infomesen bung long Sarere Mas 5. Em i tok olsem, wankain ol kos bai olgeta man na meri i ken aplai tasol ol i laik givim namba wan sans long ol meri pastaim.

I gat tupela kain level i stap long aplai, olsem open na pablik. Open kategori em bilong ol lain i wok ausait long gavman sistem na pablik level em bilong ol pablik sevan stret.

Australia Awot, aninit long Dipatmen bilong Foren Afeas na Tred i makim ol Sarere na Sande



Sampela mama na ol yangpela meri husat i stap long tok save taim bilong ol meri las wik.

stat long las wik, long singautim ol meri husat i laik save moa long dispela skolasip long go na harim tok save. Long Sarere i bin gat planti yangpela meri na planti mama tu i bin kamap long kisim dispela tok save.

Hai Komisina bilong Australia

long Papua Niugini, Deborah Stokes i bin kamap long dispela taim long lukim ol meri na tok amamas long ol i gat laik long skul moa.

Mis Stokes i tok, "Mipela i makim ol wiken long yupela i kam bikos, mipela i save, olsem ol

meri i save mekim planti wok long olgeta de na bai hat long kam long taim bilong wok."

"Mipela i laikim ol meri i mas gat wankain sans olsem ol man. Sapos ol yangpela meri na ol mama i kisim gutpela edukesen bai i gat gutpela developmen long nesen. Mi tok tenkyu long yupela i kam tude tasol mi laik askim baim yupela i go na tokim moa meri long kisim aplikesen long aplai," Mis Stokes i tok.

Dispela ol skolasip em bilong ol Papua Niugini sitisen tasol. Em bai i no go long ol lain husat i gat pren o marit long Australia o husat i laik go kamap sitisen bilong Australia. Olgeta aplikesen bai i pas long 30 Epril na bai ol i stat long lukluk long ol long kisim husat ol meri i gat olgeta mak bilong go insait long wanpela Australia yunivesiti.

I gat 40 yunivesiti na teseri institusen long Australia em ol meri i ken aplai long ol, tasol taim bilong makim em olgeta man na

Meri grup kamapim Kopretiv Sosaiti

GALILO Wimen Grup long Hoskins LLG, Wes Nu Briten Provins, klostu nau bai rejistaim Kopretiv Sosaiti bilong ol aninit long nem, 'Galilo Wimens Kepe-siti Bilding Asosiesen Kopretiv Sosaiti'.

Dispela tok save i bin kamap long taim 30 meri i pinisim tupela wik trening long samap, insait long Galilo Governing Church.

"Yumi mas kamapim wanpela Komyuniti Lening na Developmen Senta haus long givim spes

long ol mama na yut long ples i ken kisim trening," Stephanie Vapalil i tok.

Dispela haus bai sanap long ol komyuniti i ken yusim long mekim planti kain, kain trening na ol bung bilong komyuniti," Mis

Vapalil i tok.

"Nau yet, i no gat wanpela gutpela hap bilong holim ol trening bilong ol yut na ol meri," em i tok.

Long taim bilong greduesen, John Tauru, Vais Presiden bilong Hoskins LLG i tok, ol meri i save givim bikpela helpim long kamapim gutpela sosaiti tasol planti taim, i no save gat gutpela luksave long wok bilong ol.

Em i givim luksave long ol meri kodineta long wok bung wantaim ADB Skills na Developmen Tras Fan long kisim trening i go long ples stret. Em i tok, dispela em i wanpela step fowod i go long givim rait kepe-siti bilding trening long givim moa save na strong long ol meri.

Long wankain taim, em i givim salens tu na i tok, "Yupela i no ken kisim save i go na slip antap long en, na yu no ken wet long tumora. Yu mas stat long mekim wok nau wantaim save yu kisim long skul tude. Long dispela we bai yu i ken kamap smat moa long save bilong yu long samap." Mis Vapalil i tok.

Mani bilong ranim dispela trening i kam long Esien Developmen Benk Tras na Developmen Fan na em i namba 69 trening. Long taim em i bin stat long 4-pela yia i go pinis I kam nau, 1800 lain i kisim helpim pinis aninit long dispela tras fan long provins.

Ol narapela trening em long kukim kaikai, skrin prining, febriket-ing, mekim bilum na long skul bilong putim sola pawa. Tras na Developmen Fan Program em i wanpela projek bilong Wes Nu Briten Provins Gavman, bilong helpim ol yangpela na ol mama i no gat wok.

"Mi amamas long kisim dispela kain trening. Em i luksave bilong Gavman long kamapim patnasip wantaim Skil na Development Tras Fan long daunim pasin bilong stap rabis na kamapim gutpela sindaun," Emma Dimai, Skil na Developmen Tras Fan Kodineta i tok.

Em i givim salens long ol lain i kisim skul long go insait long pasin bilong "Meri Blaus" maket long painim moa mani, na i no ken wet tasol long mani bilong Wel Pam.



Yut, Meri na Famili
Pastor Barbara Lunge

Heven i op antap long PNG

GOD i opim pinis ol windua bilong heven long larim blesing bilong em insait long spirit na bodi na long ples i kam daun long Papua Niugini.

Ol ensel i mekim wok long God olsem ol soldia bilong pait na ol lain bilong karim toktok i go. I gat kibung bilong ol ensel olsem ol opisa bilong bikpela. I gat wanpela was ensel long lukautim wanwan lain long graun.

Taim yumi presim God na lotu long em, ol ensel bilong God i kam daun na lotu wantiam yumi. Olgeta lain long olgeta rijon bilong kantri i harim maus bilong yumi i givim biknem long God.

De na nait ol ensel i save kam daun na helpim yumi long wanem kain hevi yumi stap long en. "Bikpela bai i givim wok long ol ensel bilong was long yu long olgeta wokabaut bilong yu. Na bai ol i karim yu long han bilong ol, nogut wanpela ston i sutim lek bilong yu." (Buk Song 91:11-12) Na Buk Song 34:7 i tok, "Ensel bilong Bikpela i save stap klostu long ol manmeri i aninit long Bikpela, na em i save helpim ol bai ol i no kisim bagarap."

God i soim Jacob long driman olsem em i lukautim em. "... Em i lukim wanpela lata, as bilong en i stap long graun na het bilong en i go antap long heven. Na ol ensel bilong God i wokabaut i go antap na i kam daun long dispela lata. Na Jacob i lukim Bikpela i sanap klostu long em na i tok olsem, "Mi God, Bikpela bilong tumbuna bilong yu Abraham, na mi God bilong Aisak. Dsipela graun nau yu slip long en, bai mi givim long yu na long ol tumbuna pikinini bilong yu..." Jacob i kirap long slip na i tok olsem, "Mi no bin save Bikpela i stap long dispela ples. Tasol tru tumas em i stap." (Stat 28:12-14, 16-17)

Yu spesel long ai bilong God taim yu prea na lotu long em. Taim pasin nogut i kirap, God tu bai apim mak bilong em. "Tasol yu, God bilong mekim gutpela pasin olgeta. Yu stap king, na ol Israel i save litimapim nem bilong yu. Olgeta manmeri bilong graun bai ol i tingting long God, na bai ol i kam bek long em. Olgeta lain manmeri bai ol i lotu long em. Long wanem, Bikpela i stap king na em i bosim olgeta lain manmeri. Ol bikhet man bai brukim skru na lotu long em. Ol man i save dai na i no inap i stap laip, em olgeta bai ol i brukim skru na lotu long God." (Buk Song 22:3, 27-29)

"Na olgeta bai save tru long biknem na strong bilong Bikpela. Dispela save bai inapim olgeta hap graun olsem solwara i inapim mak bilong en olgeta." (Habakuk 2:14)

Sapos yu laik toktok moa o yu nidim prea, yu ken rait long: Evangelis, Barbara Lunge, ROGIM, P.O. Box 3063, Boroko, NCD. PNG, o ring long 70995378.



WANTOK
NIUSPEPA BILONG YUMI OL PAPUA NIUGINI STRET

Vacant Position: Senior Advertising Sales Representative

Urgently require an experienced sales person to join the advertising team. Reporting to the Advertising Manager, the sales person will be expected to sell advertising space for the *Wantok Niuspepa*.

Qualification:

- A Diploma in Business Studies majoring in Sales and Marketing.
- Must have a minimum of three (3) years experience in sales with experience in the print media preferred but not necessary.
- Must be of sober habit and willing to learn and work in a team.
- Good communicator with a positive approach to his/her duties and responsibilities.

An attractive package will be offered to the right applicant. Forward your full CV no later than 24 April 2014 to:

Senior Advertising Sales Rep Vacancy.
Word Publishing Company Limited,
P.O.Box 1982, Boroko, NCD. Fax: 325 2579
Email: word@wantok.com.pg

Katolik Sios i helpim wantaim Solomon Ailain hevi

KATOLIK Sios long Solomon Ailan i wok long helpim ol pipel bikpela taitwara na guria i bagarapim laip na sindaun bilong ol long Honiara, Solomon Ailan.

Pater Ambrose Pereira em wanpela Salesian Kongriksen pater i wok tisa long Don Bosco Teknikel Institut (DBTI Honiara) long Henderson i tok institut i lukautim klostu 300 manmeri na pikinini we ol ples bilong ol i bagarap na ol i painim seif hap long stap long en.

Pater Pereira i tok planti ol lain em ol pikinini, na ol i lukautim ol long gimnesium o haus bilong skul spot trening.

Ol tisa na tisa DBTI Honiara i gat ol entateinmen na rikriesen program long ol pikinini na tu, ol bikpela manmeri husat i kam long Foxwood eria we taitwara i bagarapim olgeta haus na narapela samting bilong ol.

Ol i givim ol toi na ol samting long ol liklik pikinini i ken pilai wantaim, entateinmen na rikriesen program. Ol i givim ol kaikai na klos tu i go long ol manmeri na pikinini.

Wanpela meri grup long sios



I GAT TAIM BILONG OLGETA SAMTING: Maski hevi i stap, ol liklik pikinini Solomon Ailan i amamas pilai long siso long DBTI Institut, Honiara. *Poto: Pater Ambrose Pereira*

bilog Melanesia i bin tok welkam taim ol lain i kamap long institute na serim ol kaikai, ol singsing na pre wantaim.

Pater Pereira i tok pipel i wok long kisim gut kaikai, tasol wara na helt kea em i ol bikpela eria

we ol atoriti i mas mekim bikpela wok long ol.

Pater Pereira i tok pipel i mas mekim samting long yusim gut taim bilong ol.

Em i singaut long ol atoriti long raun long Foxwood eria na

helpim ol pipel i stretim laip na sindaun bilong ol.

Long nait, ol i save lukim muvi na tu, pre long givim tok tenkyu long Bikpela long ol blesing na gutpela lukaut bilong em.

Ol Lutheran yut i kisim salens

Paulus Tali i raitim

OL Yut lida bilong ol 17-pela Distrik bilong Evanjelikal Lutheran Sios bilong Papua Niugini (ELCPNG) i kamap long wanpela semina bilong luk luk long program.

Ol i lukluk long wanem tok i kamap pinis long Nesenel Yut konpens long Henganofi long 2013, na glasim nupela wokabaut bilong ol yut bilong ELCPNG long 2014 na i go long 2020.

Sampela bikman i stap wantaim long dispela semina em nupela Gutnius Dipatmen Seketeri, Pasto Elymas Bakung, man i go pas long Nesenel Tieta long Goroka, John Doa, olupela yut lida Faen Mileng, olupela Baibel Stadi wokman, Pasto Matai Ibak, na Edvaisa long yut, Hans Gima.

Evanjelisim Seketeri, Pasto Elymas Bakung i salensim ol yut lida na tok nau em i taim bilong senis na kirap na muv i go long narapela level.

"Bipo laip bilong yut em i narapela long nau. Em i no olsem bipo. Mi laik salensim yupela ol lida long holim han na muv long narapela level na mak," Pasto Baum i bin tok.

Em i tok planti yangpela i save karim Baibel na autim tok, tasol yumi mas sanap antap long lek bilong yumi yet long painim



Helen Teleka bilong COM serim sampela toktok bilong God.

mani long strongim bilip na mekim wok.

Long wankain taim, Nesenel Tieta Dairekta, John Doa, i tokim ol yut lida long wok bung wantaim ol program bilong em.

"Kantri bilong yumi PNG i gat planti samting, na em nidim moa helpim long ranim long gutpela bilong em, Mista Doa i tok.

Em i tok narapela bikpela samting em kalsa bilong yumi.

Em i bikpela samting long pulim turisim, i gat moa long 800 tok ples na ol Lutheran yangpela nau i mas luk luk long strongim

kalsa bilong em yet.

Nesenel Performing Arts Troupe bipo ol save kolim Raun Raun Tieta grup i beis long Goroka i laik wok poroman wantaim ol yut bilong sios na kominiti long strongim heritej bilong ol.

Long taim bilong semina tu, ol i bin sainim wantaim agrimen long wok bung wantaim Nesenel Performing ArtsTroup.

Nupela ELCPNG Yut Dairekta, Reuben Mette, givim ripot long wanem ol wok i kamap las yia 2013, na wanem driman bilong dispela yia i go.

Rot bilong Kruse wokabaut tumora

OL KATOLIK bilip manmeri bilong Pot Mosbi Asdaiosis bai wokim wokabaut long Rot bilong Kruse long siti long tumora, Gut Fraide.

Long namba wan taim tu, Angliken Sios bilong Pot Mosbi wokim opisel toksave long wokabaut wantaim ol brata na susa bilong ol long Katolik Sios long tingim pen na hevi Jisas i bin karim long dai long ol sinpasin bilong ol pipel long dispela wol,

moa long 2,000 yia i go pinis.

Olgeta yia, samting olsem 10,000 Katolik bilip manmeri, ol yut na sampela pikinini wantaim tu sampela ol arapela lotu manmeri i save wokabaut singsing na beten long 14-pela Stesen bilong Kruse i stat long wanpela peris insait long Nesenel Kapitel Distrik na pinis long Sen Mary's Katitdrel long taun, o long narapela hap we ol i makim long program bilong

yia we Rot bilong Kruse wokabaut bai pinis long en.

Wokabaut i save stat long 6 klok moning na kisim samting olsem 5-pela awa olgeta.

Asdaiosis opis i tok long tumora wokabaut, Tokarara Peris bai go pas long en.

Wokabaut bai stat peris i go olsem long John Guise Draiv, skruim i go long POM CC, Waigani Trefik Lait, Hohola na pinis long Mari Bareks we ol bai

wokim lotu na bruk i go log ol wan wan ples bilong ol.

Ol yut bilong ol peris bai go pas long dispela wokabaut long Rot bilong Kruse.

Ol Asdaiosis yut bai wokim Novina Vigil o pre long nait inap moning na go stret long wokabaut bilong Rot bilong Kruse, Asdaiosis opis i tok.

Wanwan peris bai go pas long ol pre na singsing long ol 14 stesen.



Tenk yu misa long LNG

TUPELA yia nau mi save go wokim lotu long LNG Kem long Papa Lealea.

Wok manmeri bilong planti kantri i wok long kem. Ol i no gat we long go aut na bihainim lotu ausait long kem bikos kem i stap longwe long haus lotu.

Olsem na olgeta Sarere nait, ol Katolik manmeri i bung long Pioneer kem na wokim lotu.

Ol i save redim gut stret. i gat naispela singsing na olgeta bilas bilong haus lotu i stap naispela tru.

Nau planti wok manmeri i go bek long kantri bilong ol bikos wok kontrak kampani bilong ol wantaim LNG i pinis.

Pastaim mi yet i go wokim lotu wantaim ol. Bihain long las yia, sampela pater bilong Bo-mana, Don Bosco na Tokarara tu i helpim mi wan wan taim long wokim misa long kem.

Ol Charity Sisters, alta mangi and meri bilong Hanuabada i go olgeta Sarere long sevim pater long taim bilong Misa.

Long de 5 Epril 2014, em i las Misa o Tenkyu Misa long LNG kem.

Mi wantaim Pater Dong bilong Tokarara Peris i go pas long Santu Misa.

Bikos bihain long namba wan wik bilong mun Epril, bikpela lain bilong Katolik i lusim LNG na go bek long kantri bilong ol. Wan wan tasol i stap yet, tasol bihain long Ista moa yet bai lusim LNG.

Long de 6 April 2014, kwaia grup bilong St. Joseph LNG Kem i bin go pas long Santu Misa long St. Michael's Sios long Hanuabada.

Planti kwaia memba i bin go bek long kantri bilong ol. i gat 10-pela tasol i stap na go pas long santu misa. Maski 10-pela tasol i stap, tasol nek bilong ol i bikpela stret olsem 50 o 60 memba i singsing wantaim.

Bihain long misa, ol i givim olgeta samting bilong lotu ol bin yusim long misa long LNG kem i go long St. Michael Parish Hanuabada.

I gat kibot, tupela maikrofon wantaim 5-pela maikrofon sten, klos bilong misa, laplap, salis/kap bilong wain pater i save yusim long Misa na planti samting moa. Na tu, stat bilong Santu Maria na Santu Joseph i karim pikinini Jisas long han bilong em. Santu Joseph em i was Santu bilong Katolik manmeri i wok long LNG long Papa Lealea kem.

Wanpela samting mi laik tokaut long dispela stori bilong mi i olsem:

Ol wok manmeri bilong LNG i save bisi olgeta de. Skedule o wok plen bilong ol i tait stret.

Ol i save hat wok olgeta de, tasol ol i no lusim tingting long God.

Ol i kam bihainim lotu, go long konpensio, kisim santu komyunio na wokim prea bilong ol yet.

Sampela i wok, tasol ol i askim pemisen na kam wantaim yunifom bilong wok na bihainim misa. Bihain long santu misa, ol i go bek long wok gen.

Bikos long LNG Kem, wok i stap long 24 auwa. i gat sift long de na nait.

Ol i stap longwe long famili, pikinini, meri o man bilong ol.

Tasol ol i no lusim tingting long God. God i save helpim ol i kamap wan wantaim pikinini na famili bilong ol long kantri bilong ol.

Taim ol i kam long PNG, ol i wok na stap insait long kem, longwe long ples nabaut na longwe long haus lotu.

Tasol ol i amamas tru bikos ol i gat sans long bungim Jisas long Santu Komyunio insait long Santu Misa.

Santu Komyunio i mekim ol i kamap strong long wokim wok bilong ol, na stap strong long bilip bilong ol, maski ol i stap lon we long a ples bilong ol.



BAGARAP: Lizard Ailan em wanpela risot ailan long Not Kwinslen i kisim bagarap long Saiklon Ita. *Poto: News Limited*

Hevi long Wes Papua boda

WES Papua pipel long Papua New Guinea i tok ol hevi i wok long kamap nau long bodamak wantaim Indonesia i wanpela kempein bilong pulim luksave long wol ol pipel long hap i bungim yet. Fred Mambrasa em wanpela lidaman bilong Wes Papua komyuniti long PNG i tok ol hevi i wok long kamap nau long bodamak wantaim Indonesia em bilong pulim luksave bilong ol kantri long wol na tu PNG long laik bilong ol long lusim Indonesia. Long wik i go pinis i kam inap nau, ol memba bilong OPM o Fridom paita i wok long pait klostu long boda, we ol i bin kukim ol bilding bilong gavman bilong Indonesia. Ol ripot i kam long Pot Mosbi em kapitel bilong Papua New Guinea i tok ol PNG gavman opisa i bin kukim ol haus bilong West Papua lain tu. Mista Mambrasa i tok ol i refuji na em i no save watpo na gavman i luksave moa long ol asailam sika long Manus Provins, na i lus tingting long ol. "Dispela ol trabel long boda em i bilong soim wol olsem mipela i no laik stap insait long ileksen bilong Indonesia.

Isabel na Makira Ulawa Provins i bungim guria na dai

BIKPELA ren na tait wara long Honiara i kamapim wanpela bikpela guria, ren na win we tripela pipel i bin dai insait long Isabel na Makira Ulawa Provins bilong Solomon Ailans. Tait wara long Honiara, Solomon Ailan i mekim na tupela pipal i bin dai, na planti gaden kaikai i bin bagarap long Isabel Provins, Primia James Habu bilong Isabel i tok. Guria, em ol i makim long moa long mak bilong 7 Rikta skel i kilim wanpela man long Makira Ulawa Provins. Dispela bikpela guria i kamap wanpela wik bihain long ol bikpela ren na ol tait wara i bin bagarapim Honiara na Guadacanal Provins, we moa long tupela ten pipel i bin dai, na planti i wok long lus yet. Moa long 60-tausen pipel i bungim hevi long dispela bikpela ren. Tasol ol pipel bilong Isabel Provins tu i bin kisim taim long dispela bikpela ren, na long Fraide, Primia bilong Isabel, James Habu, i tok tupela pipel i bin dai na planti gaden kaikai i bin bagarap.

Patrick Beni i lusim mama, sista na brata

Planti stori i wok long kamap long hevi na bagarap we ol pipel bilong Solomon Ailan i bungim insait long dispela bikpela taitwara, win na guria. Ol atoriti i wok hat nau long helpim kwik ol pipel. Wanpela long dispela ol stori, em long Patrick Beni i gat 10-pela krismas husat sampela pipel i bin painim taim em i holim wanpla hap matres na wanpla diwai i trip long solwara. Em i lusim mama, sista na tupla brata bilong en. Yanpela Patrick i tok mama bilong en i no bin bilipim em taim em i tokim em long wara i kamap pinis long haus blong ol. Dispela stori i makim stret strong na bilip bilong pipel long pait long stap laip na i no ken dai, maski long bikpela tait wara. Niusman Daniel Namosuaia bilong Solomon Star Niuspepa i stori long rot em i go painim Patrick Beni,

bihain ol i bin kisim poto bilong en long wara. "Taim mi askim em, em i tok orait long toktok wantaim mi," Mista Namosuaia i tok. Mista Namosuaia i tok em i no pret long toktok long rot wara i kamap long haus na em i wok long kirapim mama blong en. "Tasol mama i tok dispela bai i no nap, wara i no save kamap long haus." Namba bilong pipel i dai i bin stap long 23, tasol em i go daun nau long 21. Ol i tok tu olsem 12,000 pipel i bungim bikpela bagarap bilong tait wara insait Honiara na 40,000 insait long Guadalcanal provins, ausait long kapitel. Lawrence Hillary bilong World Vision long Solomon Ailan i tok birua ya i bagarapim laip bilong planti pipel, wantaim tu, planti bilding, haus, propeti na bris. Long wankain taim, Solomon Islands National Disaster Council i tok kantri i lukluk nau long helpim ol pipel i bungim hevi na tu, long mekim olgeta samting long stopim kain hevi long kamap gen. Palamen Seketeri bilong Foren Afeas bilong Australia, Brett Mason bin go long Solomon Islands las wik long lukim eria we tait wara i bin kamapim hevi long ol. Seneta Mason i bin bungim Praitim Minista Gordon Darcy Lilo na ol memba bilong Solomon Islands gavman long toktok long ol hev we disasta i bin kamapim moa hevi long ol. Australia i givim \$A3 milien long helpim ol pipel long dispela taim no gut. Planti hap bilong Honiara i no gat wara nau. Ol atoriti i tok wara saplai bai kisim sampela wik pastaim long em i kamap long ol pipel long Honiara taun.

Saiklon Ita i strongpela yet long Queensland

AUSTRALIA Bureau of Meteorology i tok Saiklon Ita, we i stap long mak namba 5 i wok long makim not Queensland, na i no daunim strong bilong en. Weda opis i tok Saiklon Ita i stap strongpela yet na ol i ting bai em i kamap long nambis bilong Cape Flattery, samting olsem 70 kilomita not bilong Cooktown. Weather Bureau i tok saiklon ya i gat ol strongpela win we i go antap long 300 kilomita long wanpela awa. Wanpela man blong Cooktown, Ivan Juff i tok ol lokol pipel long hap i wari, tasol em yet i tok em bai no nap go long narapela hap. Em i tok em i bin lukim Cyclone Larry na i luk olsem dispela i gat wankain strong, tasol em i tok em i stap longwe na bai em i no ronawe. Em i tok planti ol arapela pipel tu i gat ol haus na famili tu i gat wankain tingting. Weda opis i tok Saiklon Ita i wanpela long ol strongpela ol i lukim i kamap long Queensland bihain long Cyclone Yasi long 2011. Em i tok Cassowary Coast bai kisim inap long 300 milimita bilong ren long olgeta 6-pela awa taim strong bilong Saiklon Ita i kamap. Dispela taim nogut i bagarapim pinis Solomon Ailan we i stap 175 kilomita notis long Cooktown, na 330 kilomita not long Cairns, na i muv sautwes long 10 kilomita inait long wanpela awa. Ol i givim aut saiklon tok lukaut long ol eria long Cape Sidmouth i go long Innisfail, na Cooktown, Port Douglas na Cairns, na ol bus eria olsem Kalinga, Palmerville, Mareeba na Chillagoe.

Ol poto nius



UPNG GREDUESEN: Hai Komisina billong Australia long PNG, Deborah Stokes, Pro Sansela Stephen Kaluwin, Fainens Minista, James Marape husat i bin greduet tu i wokabaut i go insait long ples bilong wokim namba 59 Yunivesiti ov PNG (UPNG) greduesen long las wik Fraide.



BUNGIM OL PIKININI: Seneta Bret Mason i bungim sampela pikinini long Honiara, Solomon Ailan. Ol dispela pikinini na planti ol araperla pipel em ol i stap nau long Don Bosco Teknikel skul hap bihain long bikpela ren na win i bagarapim ol ples bilong ol. Seneta Mason na ol arapela bikman bilong Australia i bin raun i go long Honiara las wik long lukim hevi na wokim ripot na tu, long givim helpim long ol pipel i stap nau long bikpela hevi. Long ol ripot, moa long 20 pipel i dai pinis long hevi, na sampela i lus yet. *Poto: Pater Francisco Pereira, Honiara*



TILIM: Ol wok manmeri long Honiara i tilim ol klos na ol narapela helpim we Australia, aninit long AusAID i givim. *Poto: Pater Francisco Pereira, Honiara*

WANTOK
KOMENTRI

Ista em de bilong tingim em...

YUMI lukluk long ista wantaim bikpela toktok long Jon 3:16, "God i gat wanpela pikinini tasol i stap. Tasol God i laikim tumas olgeta manmeri bilong graun, olsem na em i givim dispela wanpela pikinini long ol. Em i mekim olsem bilong olgeta manmeri i bilip long em ol i no ken lus. Nogat. Bai ol i kisim laip i stap gut oltaim oltaim."

Klostu long taim bilong ista 2014, kantri bilong yumi i bungim planti hevi. Ol wantok long Milen Be, Bogenvil ol pren na brata long Wes Papua, i wok long stap long hevi na taim no gut. Ating yu pilim olsem ol gavman na ol narapela lain i gat pawa long helpim yu i no tingting long hevi yu karim. Yu ting husat tru bai helpim mipela? Mi laik bringim tingting bilong yupela long diwai kros bilong Jisas.

Dispela klos we ol Roman soldia i putim long em i makim sin bilong yumi, na rop i gat nil long het bilong em i



Ista em de bilong tingim em...Man husat i kapsaitim blut bilong em long pogivim sin bilong mipela olgeta..Em King Jisas Krai tasol...

Luk 24:5 "...Bilong wanem yupela i kam painim man i gat laip long ples bilong ol man i dai pinis?"

makim ol toktok bilong bagarap God i putim long graun taim Adam i mekim sin.

Long diwai kros bihain long ol i paitim na wipim Jisas na putim ol rop nil long het em na ol i nilim em long diwai kros, pes

bilong em i bin senis olgeta.

God i soim dispela bikpela laikim bilong em long yumi long pasin em i mekim. Em i kisim wanpela bodi bilong man na i kamap sakrifais tru bilong rausim sin bilong yumi.

Sapos yu manmeri bilong spak, bagarapim samting na stil, man bilong giaman, kilim man, pamuk na ol kain pasin olsem, Krai em i dai long kisim bek yu. Jisas i karamapim pinis hevi bilong laip yu save bungim.

Presa long tingting, presa long bodi na hevi bilong ol famili na pren i lusim yumi.

Jisas i kisim presa long tingting bilong em long helpim yu, sapos yu wok long bungim sampela kain presa long tingting bilong yu. Em i kisim wankain hevi na presa olsem yu, bikos em i God na em i man tu. Olgeta tingting bilong hevi em bai i karim, i givim bikpela presa long em na long gaden Getsemane em i kapsaitim blut olsem swet. Em i bin tok, "papa sapos yu nap painim narapela rot, plis yu rausim dispela kap long mi, tasol sapos no gat orait, larim laik bilong yu i ken kamap." Na long pawa bilong Holi Spirit em i kisim strong long sanap na karim wok bilong em i go long diwai kros.

Em kisim presa long bodi tu. Sapos yu kisim bikpela sik, yu tingim ol soldia i wipim bodi em i go inap long ol mit bilong bodi i bruk.

Ol i putim rop i gat nil long het bilong em olsem hat bilong king na long ol

dispela mak, em yu kisim orait long sik. Sapos ol man i katim skin bilong yu long lek na ol i nilim lek na han bilong yu long diwai kros, em i strongpela pen tumas long yu i karim.

Ritim olgeta tok bilong God gen inap em i go insait long het bilong yu na sapos yu gat sik long bun baksait na lewa bilong yu larim tok bilong God bai ron insait long blut bilong yu na tingting long tok bilong God long de na nait.

Na sapos yu ting ol famili na pren i lusim yu na yu no gat hop, yu tingting long Jisas tu, ol pren na famili i bin lusim em na God tu i givim baksait long em. Em i kisim ples bilong yu pinis.

Ol disapel bilong Jisas em ol pren tru bilong em tasol olgeta i bin ranawe na lusim em long dispela taim. Em tu i pilim warim no gut tru olsem yu.

Olsem na, brata na susa, yu husat i kisim taim no gut, mi laik tokim yu olsem, olgeta man i ken lusim yu tasol Jisas i no lusim yu. Marimari bilong God long ista de i ken stap wantaim yu!

Clark i strongim ol meri Is Nu Briten

Michael Novingu i raitim

OL meri em ol gutpela bosmeri na save long lukautim mani bilong famili, na bisnis bai stap longpela taim, na long planti krusmas i kam.

Bipo Praim Minista bilong Nu Silan na nau bosmeri bilong Yunaited Nesen Development Program (UNDP), Helen Clark, i tok olsem taim em i bin lukluk raun long Is Nu Briten sotpela taim i go pinis.

Mis Clark i tok skul bilong lukautim mani i bikpela samting yu mas save long em bai stap insait long laip bilong yu. Na bai helpim yu long lukautim mani na ol liklik bisnis yu laik kirapim.

Em i tok ol meri i stap long ol ruel o busples i moa gutpela long ol i mas skul long

lainim rot bilong lukautim mani bai helpim ol long ranim gut ol bisnis bilong ol.

Long lukluk raun bilong em, Mis Clark i bin bungim ol meri long Yunamami Yunaitet Sios long Kokopo na givim ol tok skul long lukautim mani we UNDP na Nesen Wide Maikro Benk i wok bung wantaim Yunaitet Sios long skulim ol meri long rot bilong lukautim mani.

Em i tok skul bilong lukautim mani bai helpim ol meri long kirapim ol liklik bisnis bilong ol na tu, kirapim gutpela sindaun bilong ol long ol famili na komyuniti.

Mis Clark i bin toktok wantaim Is Niu Briten Gavman, ol bisnis haus na ol arapela lain long rot we UNDP i ken helpim long kirapim wok developmen long provins.

Mis Clark i amamas long lukim mobail walet na MICASH program we UNDP na Nesen Wide Maikro Benk i wokbung wantaim long kirapim long ENB nau i helpim planti manmeri long ol busples long ENB na kantri wantaim.

Em i tok dispela MICASH program i kisim plenti manmeri i no save benkim mani bilong ol i kam long benkim mani bilong ol.

Em i tok 80% pesen manmeri i kam benkim mani bilong ol, na 65% pesen i stap long ol ruel ples o busples we 38% pesen bilong ol em ol meri.

Mis Clark i tok lanim long lukautim mani aninit long MICASH program i gutpla bai ol kastoma i save long lukautim mani bilong ol, na plenim long putim sampela long seavings

long ol taim no gut.

Long wankain taim, bosmeri bilong Maikro Benk bilong ol meri, Gima Kepi, i tok opim MICASH program i mekim bikpela samting long laip bilong ol meri long ENB na PNG.

Em i tok dispela program bai givim strong long ol kastoma long Is Nu Briten long apim ikonomi bilong ol na kantri wantaim.

Gavana bilong Sentrel Benk, Loi Bakani, i tok opim MICASH bai helpim ol kastoma long sevim mani na tu, kisim gutpela win mani.

Em i tok MICASH i gutpela bikos bai yu putim mani bilong yu we nogat arapela man i save long en, o bai ol i stilim.

Stat long 2011 taim MICASH i op, 900 kastoma i opim akaun wantaim ol pinis.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Websait: www.wantokniuspepa.com

Pe bilong wanpela via, 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Acting Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing blong bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat

Raun wantaim Wantok kru ...

Singsing kwaia i bikpela long ENB

Nicky Bernard i raitim

SINGSING Kwaia em i bikpela samting tru long Is Nu Briten Provins. Maski wanem lotu ol i kam long en, tasol taim bilong bung na singsing kwaia, olgeta bai bung wantaim na apim nek bi-

long ol na singsing. Wan wan lotu long Is Nu Briten i gat stail bilong ol long singsing kwaia tasol taim ol singsing long tok ples Kuanua sios o Tolai, bai yu harim olsem wankain tasol. Olgeta i save long wan wan singsing lotu. Taim wanpela i apim nek na singsing olgeta i save kam

insait long wan wan nek bilong ol na singsing wantaim. Sapos ol i pilaim wangepa bikpela pilai na sapos em i tim bilong Is Nu Briten, kepten bilong ol bai statim wangepa singsing na olgeta bai kam insait na singsing wantaim. Sapos yu stap na harim bai yu pilim long bun bilong yu

stret olsem tru tru, ol lain Tolai em ol lain bilong singsing kwaia. Musik na singsing long laip ben o keset i no inap swit olsem kwaia we olgeta i bungim nek na sampela i singim bes, alta na suprano. Dispela taim yu harim, bai yu wari liklik long sampela samting yu tingim.



EMTV Television Guide

FONDE APRIL 17, 2014
4:30 AM G AUSTRALIAN NETWORK
5:00 AM G JOYCE MEYER 1074.4
5:30 AM G EMTV NEWS REPLAY
6:30 AM G TODAY
MALOLO CLUB
9:00 AM G DESPICABLE ME THE GAME PLAN

7:00 PM G RAITMUSIK EP#207
8:00 PMG RESOURCE PNG Ep#14
9:00 pm G HOT SPOT EP#14/14
9:30 PM PG ELITE MUSIC ZONE EP#2014/14
10:00 pm PG NRL FOOTY SHOW - EP#07
11:30 PMG NEWS REPLAY
.....followed by the Australia Network
FRAIDE APRIL 18, 2014
4:00 AM G AUSTRALIA NETWORK
5:00 AM G JOYCE MEYER 1074.5
5:30 AM G EMTV NEWS REPLAY
6:30 AM G TODAY
MALOLO CLUB
9:00 AM G
3:30 PM G HI-5 S9 Ep#45/45
4:00PM MAGICAL TALES S2 EP#4531
4:30PM PYRAMID S2 EP#20168
5:00PM THE SHAK S3 - EP#18/42
5:30 pm G TRAPPED CASTAWAY EP#21/26
6:00 PM G EMTV NATIONAL NEWS

4:00 PM G 2014 - NRL ROUND 7 RABBITOHS vs. BULLDOGS
5:55 PM G CRIME STOPPERS
6:00 PM G EMTV NATIONAL NEWS
7:00 PM G IN MORESBY TONIGHT - 2014 - NRL ROUND 7
7:30 PM G 2014 - NRL ROUND 7 KNIGHTS vs. BRONCOS "LIVE"
9:30 PM G 2014 - NRL ROUND 7 SEA EAGLES vs. COWBOYS
11:30 PM G EMTV NEWS REPLAY
.....followed by the Australia Network
SARARE APRIL 19, 2014
4:30 AM G AUSTRALIA NETWORK
6:00 AM G EMTV NEWS REPLAY
7:00 AM G IN HIS STEPS EP#115
7:30 AM G IPL 2014 MATCH #4

11:00 AM G MOVIE - MR. BEANS HOLIDAY
12:30 PM G MOVIE - PERCY JACKSON & THE LIGHTING THIEF
2:30 PM G MOVIE - TEENAGE MUTANT NINJA TURTLES III
4:00 PM G MOVIE - THE CURE
5:30 PM G OLSEM WANEM EP#14
6:00 PM G EMTV NATIONAL NEWS
6:30 PM 2014 - NRL ROUND 7
8:30 PM G SKUL BILONG YU -EP#3
9:30 PM G 2014 - NRL ROUND 7
11:30 PM G NATIONAL EMTV NEWS REPLAY
12:00 AM G IPL 2014 MATCH #5
SANDE APRIL 20, 2014
3:30 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN 7029

7:00 AM G HILLSONG-995
7:30 AM G IPL 2014 MATCH #6
11:00 AM G LOVE BITES WITH JOEY 9/26
11:30 AM G ITALIAN FOOD EP#9/13 Re-run
12:00 PM G MOVIE - WATER HORSE
2:00 PM G QRL INTRUST CUP - ROUND 8
4:00 PM G 2014 - NRL ROUND 7
6:00 PM G EMTV NATIONAL NEWS
6:30 PM G PACIFIC WAY - EP#27
7:00 PM G TOKPIKSA - EP#2014/16
7:30 PM G 60 MINUTES
8:30 PM MAO SUNDAY NIGHT MOVIE - "BIG SHOTS"
Two completely different boys—a coddled white boy from the suburbs grieving the death of his father, and a tough, street-smart black boy—become friends and partners in crime during a quest to recover the suburban boy's wristwatch after it is stolen by gang members in this coming-of-age story.Starring: Ricky Busker, Robert Joy, Darius Mc-

TORO



BIABIA



KANAGE



SUDOKU

2	7	8	3	9	5	4	6	1
4	9	3	1	6	8	5	7	2
1	6	5	7	2	4	8	9	3
9	8	4	2	3	6	7	1	5
7	5	6	4	8	1	3	2	9
3	1	2	5	7	9	6	8	4
8	3	1	9	4	7	2	5	6
6	2	9	8	5	3	1	4	7
5	4	7	6	1	2	9	3	8

Ansa bilong las wik Sudoku # 40

4	2			6		7		3
	9			7	4		6	
						1		9
	1	2	3		7			5
				1				
	7		5		4	1	6	
2	5		8					
		1		2	6		7	
7	9		3				8	6

Ansa bilong Sudoku # 41 neks isu

M	O	B	A	I	L	F	E	L	I	R	C
I	N	A	P	I	N	A	P	I	M		
S	A	I	L	A	S	M	A	S	A	L	A
K	M	A	L	K		A	B	U	S		
O	I	A	P	A	S		O	K	E		
L	N	G	W	A	I	T	P	L	A	M	A
U	P	E	N	S	I	L	S	B	S		
S	P	A	N	S	M	O	T	O	L	O	
S	A	I	S	A	I	A	O	L	I	S	
A	T	U	N	S	P	L	I	S	I		
D	E	A	I	T	S	A	V	E	E		
A	M	P	B	A	S	I	N	U	S		
M	K	O	P	I	S	E	M	I	N	I	L
B	A	L	E	N	S	W	E	S	A	N	

Ansa bilong las wik kroswod, isu # 2066

KROSWOD

- Akros
- 1 Lip mosong
- 5 Bairo
- 8 Politikal pati
- 9 Sik skin hat
- 10 Kreb
- 13 Pandanas
- 14 I no insait
- 15 Sankamap
- 16 Brata bilong Jakob
- 18 I go antap
- 20 Ples graun mal-malum
- 22 Maketim
- 24 Klos bilong man
- 25 Nogat
- 26 Mani bilong potnait
- 28 Popaia
- 30 Memba bilong Rigo Open
- 31 Wankain olsem 8
- Daun
- 1 Kikbal
- 3 Nem bilong meri
- 4 Tenkyu
- 5 PNGDF
- 6 Meri bilong Adam
- 7 Saksak bilong ol Sepik
- 9 Ples we tripela pikinini
- lukim Santu Maria
- 11 Abus bilong solwara
- 12 Bilong pilai laki
- 17 Bihain long belo
- 19 Bikpela de bilong ol Kristen
- 20 Laplap bilong ol tumbuna
- 21 Sankamap
- 23 Welpam blok long Wes
- Nu Briten
- 27 Bilong em
- 29 Binatang

1	2		3	4		5	6	7
			8			9		
10	11	12				13		
14								
	15					16		17
			18		19			
20		21			22			23
		24						25
26	27				28	29		
30								31

EMTV Television Guide

<p>Crary</p> <p>11:30 PM G HILLSONG - Rpt.</p> <p>12:00 AM G EMTV NATIONAL NEWS REPLAY followed by Australia Network.</p> <p>MANDE EPRIL 14, 2014</p> <p>4:00 AM G AUSTRALIA NETWORK</p> <p>5:00 AM G JOYCE MEYER 1074.1</p> <p>5:30 AM G EMTV NEWS REPLAY</p> <p>6:00 AM G TODAY</p> <p>MALOLO CLUB - TERM 1 HOLIDAYS BEGINS</p> <p>9:00 AM G RETURN TO NEVERLAND</p> <p>10:10 AM G DRAGON HUNTERS</p> <p>11:30PM G OFC CHAMPIONS LEAGUE - GAME #14 BA vs. HEKARI</p>	<p>Rec @1PM (Sun.13/04) - Sky Pacific</p> <p>11:30PM G OFC CHAMPIONS LEAGUE - GAME #15 LTKANADI vs. LTKA</p> <p>Rec @11AM (Sun.13/04) - Sky Pacific</p> <p>3:30 PM G HI-5 S9 Ep#41/45</p> <p>4:00 PM OFC CHAMPIONS LEAGUE - GAME #16 LTKAAMICALE vs. AUCC LAND FC</p> <p>Rec @1pm - Sky Pacific</p> <p>5:55 PM G CRIME STOPPERS</p> <p>6:00 PM G EMTV NATIONAL NEWS</p> <p>7:00 pm G NRL 2014 ROUND 6 STORM vs. DRAGONS</p> <p>9:00 PM G COCA-COLA SPORTS SCENE EP</p> <p>9:30 PM G EMTV NEWS REPLAYfollowed by the Australia Network</p> <p>TUNDE EPRIL 15, 2014</p> <p>5:00 AM JOYCE MEYER 1074.2</p>	<p>5:30 AM G NATIONAL EMTV NEWS REPLAY</p> <p>6:30 AM G TODAY</p> <p>MALOLO CLUB</p> <p>9:00 AM G THE LITTLE MERMAIDE - Ariel Beginning</p> <p>FLIPPER (re-run)</p> <p>FIRE & ICE</p> <p>1:30PM G OFC CHAMPIONS LEAGUE - GAME #17 KIWI FC vs. SOLOMON</p> <p>Rec @11am - Sky Pacific</p> <p>3:30 PM G HI-5 S9 Ep#42/45</p> <p>4:00 PM OFC CHAMPIONS LEAGUE - GAME #18 LTKAPIRAE vs. WAIT AKERE UNITED</p> <p>Rec @1pm - Sky Pacific</p> <p>6:00 PM G EMTV NATIONAL NEWS</p> <p>7:00 PM G HAUS & HOME Ep#10</p> <p>8:00 PM G BUSINESS PNG YR.3 - MERLIN S2 - Ep#13/13 - The Last Dragonlord Season 2 Finale</p>	<p>9:30 PM G EMTV NEWS REPLAYfollowed by the Australia Network</p> <p>TRINDE EPRIL 16, 2014</p> <p>5:00 AM G JOYCE MEYER 1074.3</p> <p>5:30 AM G EMTV NEWS REPLAY</p> <p>6:30 AM G TODAY</p> <p>MALOLO CLUB</p> <p>9:00 AM G ALIENS IN THE ATTIC DADDY'S LITTLE GIRLS AKEELAH & THE BEE SKY KIDS</p> <p>3:30 PM G KIDS KONA</p> <p>3:30 PM HI 5 - S9 Ep#43/45</p> <p>4:00PM MAGICAL TALES S2 Ep#4/31</p> <p>4:30PM PYRAMID S2 Ep#20/68</p>	<p>5:00PM THE SHAK S3 - EP#17/42</p> <p>5:30 PM G UTIMATEGUINNESS WORLD</p> <p>6:00 PM G EMTV NATIONAL NEWS</p> <p>7:00 AM G FACT FILES - TBA</p> <p>8:00 PM G OUR PORT MORESBY EP#25</p> <p>8:30 PM G TOKPIKSA Ep#16 - Repeat....</p> <p>9:00 PM DALLAS SEASON 2 - EP#2 -</p> <p>10:00 PM G EMTV NEWS REPLAY..... followed by the Australia Network</p>
---	---	--	---	--

Ol Program na Kilok i ken tenis oltaim...



Teksim Wari, Tingting, Painim Pren, Wantok o Pas bilong yu i kam nau..
Digicel namba: 7235 6149

Dia Wantok Nius, mipela pipel bilong Kagua Erave i no gat sevis long 45 yia nau. Wanem taim bai mipela bai lukim gavman sevis. Tenk yu.

Konsen Aiya, Studen –

Dia Wantok Nius, wanpela pren bilong i lus kontek wantaim mi, nem bilong em Maril Gad. Em bilong Morobe, plis yu kolim mi long dispela namba 7389 8502. Tenk yu.

Dia Wantok Niuspepa, nem bilong mi Finny S Fidian bilong Menyamy (Menya). Mi save laik tru long ritim *Wantok Niuspepa*. Mi wanpela mangi bilong ples. Tenk yu.

Finny S Fidian

Dia Wantok Niuspepa, mi Yambia Kigi laik givim wari na amamas long ol dis-eibel manmeri bilong Sauten Hailans Provins na Gavana William Powi na PM Peter O'Neill ringim dispela namba 7113 9325.

Dia Edita, mi wanpela viles kot opisal long planti yia tasol nau mi stap nating i no gat gutpela luksave bilong gavman. Mi wantaim ol narapela ol opisal mipela i bin kisim ol trening long ronim wok bilong viles kot, tasol no gat gutpela pe. Na nau ol nupela lain kisim ples bilong mipela, em ol i no kisim trening na mekim nabaut long ol komyuniti i stap na ol i go long pei rol bilong gavman. Planti ol lapun opisel ol i wari na ol laikim O'Neill Gavman mas stretim ol long hatwok ol i mekim long planti yia i go pinis. Olsem na nau mipela ol Karkar viles kot i singaut i go long O'Neill Gavman i mas stretim mipela bipo long mipela ol lapun i dai. Em i bikpela hatwok mipela i karim long bipo i kam inap nau na mipela step daun bikos strong bilong mipela i pinis long wokabaut i go i kam. Olsem na mi wari husat bai stretim mipela long baim liklik suga na dring wantaim ol famili taim mipela i lusim ol i go long matmat. Em tasol na tenk yu edita.

Lapun Mejstret - Karkar Viles kot

Dia Wantok Niuspepa, mangi Moko miks bilong Langs Meto. Mi save laik tru long ritim Wantok Nius. Mi wanpela nupela ilektet wod kaunsel long Kapao LLGC Aseki Men.

Dia Wantok Nius, nem bilong mi Linda Siau Hikar. Mi bilong Wes Kerema (Ihu) na mi marit long Simbu – Kerowagi. Mi lus kontek wantaim ol lain bilong mi long Mosbi na Kerema. Plis ringim mi long dispela namba 7208 9077 na mi ken stap wantaim yupela.

Tenkyu, Linda -

Dia Wantok Niuspepa, mi wanpela man bipo wok olsem kiap o patrol opisa, i gat save long wok bilong gavman na pablik edministresen. Interes lain yu ken ringim mi long namba 7330 5164 o 7612 2898. Tenk yu, Wantok.

Raun wantaim Kanage olgeta wik

Toktok gut ya!

KANAGE i bilong ples Butibam long Lae Siti, na em i maritim wanpela meri Okapa

na ol stap long ples bilong meri bilong em longpela taim tru. Wanpela taim tupela i kalap long PMV bas na i laik go long Lae. Bas i go kamap long Makam veli na meri bilong Kanage i askim em, "Ngan bron mi, yu ting orsem wanem Rai i kam krostu pinis o nogat?" Kanage bekim na tok, "yu kolim gut, i no Rai-Rei." Ol narapela pasindia long bas harim olsem na kirap tokim Kanage, yu tu kolim gut, i no Rei nem bilong ples em Lae." Kanage harim olsem na spet long windo bilong glas.

Norbert Berere Stoneth MADANG

Em faul bodi meri ya

TAIM Kanage i liklik boi yet, papa bilong em i save kisim em i go raun long Ela Bis long Mosbi. Wanpela taim em wantaim papa i go raun i stap na lukim wanpela geligeli man (ol man husat i save luk



olsem ol meri) i wokabaut i kam. Dispela man tu i bilong Hanuabada na em i stailim stret wokabaut bilong em. Boi sakim as na wokabaut olsem wanpela pato stret. Taim Kanage i lukim olsem, em i ting olsem wanpela meri na askim papa bilong em Yendefande, "Hei papa, dispela meri i luk narakain stret ya?" em i no gat susu olsem bilong mama. Ating em i mas gat sik ya." Kwik taim tru papa bilong em i sarapim em na tok, "Pasim maus bilong yu, yu liklik tumas na yu no save. Dispela kain meri ol i save kolim ol faul bodi. Ol tewel bilong Papua i wokim ol krange long taim bilong ren stret, olsem na em i nogat susu. Ol tewel i wokim em long haphap samting bilong ol

man, meri na animol bilong bikbus. Dispela kain meri i no save pispis na pekpek." Kanage i harim dispela na bilipim stret papa bilong em.

Dodo na Chester Kila Wan Mail-LAE.

Planti Refrens musik tumas

WANPELA Fraide nait Kanage pilai laki wantaim ol wantok bilong em long Sandaun kem long Madang. Long wankain taim tu i gat danis long Raikos kem. Kanage pilai laki go na harim olsem ol musik tasol i wok long kamap long danis. Kanage harim dispela ol wankain musik i go na belhat nogut tru. Em nau em kirap na tok "Yupela, ol Raikos ya wok long pilaim tasol ol referens musik bilong ol, na ai bilong mi laik silip nau." Ol wantok bilong em harim olsem na kaikaim graun. Bikos Kanage i laik tok feveret na em i abrus na tok referens.

George Mango Sandaun Kem-WEWAK.

Ol skwat! Teksim ol gutpela Kanage tok pilai i kam long: Txt: 72356149

Mi laikim laiplain i helpim mi long hevi mi gat long en

Dia Laiplain

Mi wanpela Kristen man husat i marit na i gat tupela pikinini. Tasol mi laik maritim namba tu meri. Dispela narapela meri i bruk marit na em wantaim meri bilong mi i gat gutpela luksave na tu, meri bilong mi tok orait pinis long tingting na laik bilong mi.

Ol lain bilong meri bilong mi na ol lain tu bilong mi wantaim i wanbel, tasol papamama bilong dispela narapela meri i nogat. Meri ya i strongim mi na mi redi long baim em.

Olsem Kristen, mi laikim stiatok bilong Laiplain sapos bai mi go het na kisim namba tu meri o mi bai lusim em.

UNDECIDED CHRISTIAN

Tenkyu long rait i kam long Laiplain long serim wari bilong yu wantaim mipela.

Yu tokim mipela olsem yu wanpela Kristen, marit na yu gat tupela pikinini tasol nau, yu laik kisim namba tu meri. Yu tok ol lain bilong yu na meri bilong yu i wanbel long tingting olsem yu laik maritim namba tu meri, tasol ol lain papamama bilong namba tu meri i no laik. Tasol yu tok yu wanpela Kristen, na olsem yu rait i kam long Laiplain long kisim helpim long sait bilong Baibel.

Wanpela moa taim gen, mipela i amamas long yu olsem wanpela Kristen, yu kam long mipela long kisim helpim long sait bilong marit bikos marit em samting God yet i sanapim. Gutpela pasin i stap long famili na marit em i bikpela samting long God. Taim famili i stap gut wantaim, sios bai stap gut tu.

Hevi we yu wok long bungim i kamap planti tasol em i sori samting long lukim olsem sampela Kristen i wok long mekim na dispela em bikos ol i no klia gut long ol tok i stap long Baibel. Em i hap long kalsa bilong yumi long wanpela man i maritim moa long wanpela meri na olsem, long PNG, em i wok



long kamap. Tasol em i helti? Em i kamapim ol famili i amamas? Em i fea o gutpela long ol meri na ol pikinini? Dispela em sampela ol kwesten o askim yumi olgeta i mas ansaim. Tasol pren, antap long olgeta samting, Tok bilong God i tok wanem long man i maritim moa long wanpela meri na brukim marit o divos?

Pastaim mipela i laik soim yu sampela tok tru long buk Baibel i sut long marit. i gat planti i stap, tasol bai mipela i autim sampela tasol long yu i ritim. Plen bilong God long marit long Jenesis Sapta 2:22 i tok "Olsem tasol na man i mas lusim papa na mama bilong em na go stap wantaim meri bilong em na ol bai kamap wanpela." Lukim gut, em i no tok ol meri tasol meri we i min olsem wanpela meri tasol. Wankain toktok i kamap long Mark 10:7,8, Matyu 19:5 na Korin 1, 6:16.

Namba tu, bai yu luksave olsem taim yu lukim narapela meri, yu wok long mekim sin pasin o adaltri. Maski meri bilong yu, ol famili bilong em na bilong yu i wanbel long dispela na yupela i lukim olsem em i stret, em i sin-pasin yet. Ritim Matyu 5:27,28.1 na Peter 3:1-7.

Namba tri, Baibel i tok wanem long ol meri i bruk marit i stap o marit long ol. Em i tok man i maritim meri i bruk marit i wokim sin-pasin. Matyu 5:31,32.

Namba foa em, laik pasin bilong God. Laik pasin God i gat em long wokim sakrifais long ol selpis laik yumi gat long narapela. Na long marit laip, man i mas woki olgeta samting

long lukim olsem dispela laik pasin i stap strong, wankain tu long sait bilong meri bilong em. Pren, long ol Baibel skriptja, mipela i bilip olsem yu luksave long posisen yu stap long en. Yu wok long bihainim laik bilong husat? Meri bilong yu, ol pikinini o bilong yu yet? Pren, tingting long dispela.

Baibel i tambuim pasin long wanpela man i maritim moa long wanpela meri na sinpasin bikos em i no stret long ai bilong God. Sin pasin i bagarapim ol famili, komyuniti, sios ns kantri. Amamas long gat planti meri i bilong liklik taim tasol tasol hevi yu bai karim long laip bilong yu i bikpela moa. Ol narapela i ken lukim olsem em i stret, tasol olsem wanem long ol pikinini bilong yu? Yu askim ol long tingting bilong yu long dispela? Yu ting bai ol i amamas long serim wanpela papa wantaim ol pikinini bilong narapela meri? Bai em i fea o stret long ol?

Mipela i tubel long yu i tok meri bilong yu na ol lain bilong em i wanbel long tingting bilong yu. Yu tok tru o nogat?

I moabeta yu go lukim sios pasto bilong yu o, tupela marit i gutpela pren bilong yu long givim yu stiatok long sait bilong marit. God i laikim yu nai laikim yu long stap amamas long marit yu gat long en na ol pikinini bilong yu. i moabeta yu no giamanim God, tasol askim long gutpela stia bilong em na em bai kamapim gut marit bilong yu. Ritim 1 John 1:9.

God i ken givim yu gutpela stia.

Pren bilong yu Laiplain

Sapos yu gat wari, rait i kam long Life-line, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori.

Driling long Galp i go orait

Stanley Nondol i raitim

INTEROIL Corporation i tokaut olsem wok bilong kampani long sait bilong driling long bikpela skel eksploresen program long Galp provins i go orait. Ris o ples bilong wok bilong kampani i gat moa long 100 wokman, i bin go het na dril long nambawan eksploresen wel long provins.

Kampani i tok em i lukluk long namba 4 wel long wankain eris long Antelop-4.

Kampani i tok em i painim oil o ges namel long wanpela bilong 5-pela eksploresen ol i mekim.

Long wok dril bai go kwik o isi em i dipen long wanem

kain hap ol i mekim dril. Kampani i tok ol i no save long wanem samting i stap aninit long graun. Ol ston na ol arapela samting aninit long graun tasol bai mekim isi o hat long wok bilong kampani long dril i go daun olgeta long laspela hap we i gat mak long en.

Kampani i tokaut olsem bikpela lukluk bilong ol em long mekim wok dri i seif wantaim nogat bikpela bagarap. Na i lukluk long dril long gutpela rot long ol en-vairomen na ol wokman i no ken kisim bagarap tasol ol i mas kisim ol gutpela sevis bilong kampani.

Kampani i tok em i gat komitmen long kamapim gutpela wok long kantri. Na i tok

em i gat wok long tokaut long gutpela risal taim olgeta wok bilong dril long ol wel i pinis.

Long 1014-15, kampani i lukluk long mekim dril long 8 pela eksploresen na ol wel. Em bai wanpela bikpela driling program long PNG taim kampani i lukluk long mekim moa wok insait long kantri.

Kampani i statim namaba wan wok dril long mun mas 2014. Dril long Rapta 1 i kamap long tupela wik i go pinis.


Long wankaintaim InterOil na Total kampani i lukluk het long kamapim gutpela bisnis long ges fil long EIK Entelop long Galp provins long namba tu LNG projek long

kantri.

Sif Eksekutiv Opisa bilong interOil, Michael Heisson, i tok agrimen bilong tupela kantri long divelopim Elk-Entelop ges i bikpela step fowot long interOil na Papua Niugini.

Mista Hession i tok Total na Oil Search i gat strongpela join vensa long konektim bikpela ges fil i go long Esia, em bikpela ges maket long wol.

Em i tok narapela bikpela lukluk bilong agrimen bilong tupela kampani long ges fil em ol pipel na gavman bilong kantri yet. Em i tok ol pipel na kantri bai kisim gutpela sevis long ol ges projek we kampani i go pas na mekim bisnis.



Dairekta bilong ORD, Paul Sa i kisim akuitel bilong K23m long Distrik Edministreta bilong Yangoru -Saussia - Fantson Yaninen. Minista bilong Komes, Tred na Industri na memba bilong Yangoru -Saussia Richard Marui sanap namel.

Westpac ofaim gutpela kad sevis ...kisim long sem de

WESTPAC i tok em i nama wan benk long kantri long givim ol kastoma Westpac Handi kad we bai ol i mekim long brens yet. Ol kastoma husat i opim nupela akaunt bai kisim nupela kad nau tasol na kam aut.

Ol lain husat i kastoma pinis wantaim Westpac na i laikim nupela kad tu wantaim pin namba, bai kisim

nupela kad long sem taim na kam aut.

Westpac i mekim nupela kad long Pot Mosbi brens long las wik Trinde na bai surukim dispela sevis i go long olgeta 16 brens long kantri long ol wik i kam.

Benk i lukluk long dispela sevis long helpim gut ol kastoma a daunim taim ol kastoma i save wet long

kisim kad na save witro long pepa. Dispela bai helpim ol kastoma long sevis taim na em i moa gutpela long sevis bilong kantri.

Menesing Dairekta bilong Westpac, Geiff Toone i tok dispela sevis em i bilong helpim ol kastoma i sevim taim, na i laik soim benk i gat strongpela komitmen

long mekim invesmen long PNG long ritel netwok.

"Nupela Westpac kastoma i kengo insait long lokol brens na opim akaun na kam aut insait long 20 minit wantaim kad na P PIN na nem bilong ol bai i stap anatap long kad" Mista Toone i tok.

"Westpac kastoma i mas yusim Hendi kad long ol-

geta sevis bilong benk olsem EFTPOS teminel long kantri. Westpac nau i kamap namba tu bikpela ATM netwok. Kastoma bai nonap wet longpela taim moa long ksiim kad wanaytim PIN" Mista Toone i tok.

Hetman bilong Ritel Benking, Adam Downie, i tok as tingting bilong givim kad long sem taim em long

kastoma i no ken westim planti taim long benk lain long brens. Em i tok "Everywhere Banking" o bneking long olgeta hap em long kastoma i ken makim wanem sevis bilong benk ol i laik yusim olsem Mobail benking, ATM sevis, in-store, EFTPOS, intanet benking o long go insait long brens klostu long ol.

PNG POWER Ltd

TOK LUKAUT LONG OL STRONGPELA WIN
NA OL PAWA LAIN I PUNDAUN

PNG Pawa (PPL) I TOKSAVE LONG GENERAL PABLIK LONG STAP LONG WE LONG OL PAWA LAIN NA PAWA POS LONG DISPELA TAIM BILONG REN NA WIN. NOKEN GO KLOSTU, NOGUT PAWA ISTAP LAIF YET NA IKEN KILIM YU.

SAPOS YU STAP LONG NCD O OL PLES KLOSTU RINGIM IME-JENSI NAMBA **342 8610** O **342 8617** O MOBAIL NAMBA **71981000, 71981001, 7198 1002** NA **71981003** LONG OL PNG PAWA LAINSMAN LONG LUKLUK LONG PAWA LAIN I PUNDAUN STAP.

SAPOS YU STAP LONG OL AUTSAIT SENTA, PLIS RINGIM PNG PAWA OPIS ISTAP KLOSTU LONG YU.



Hua Gavera bilong Porebada, Sentral provins i namba wan kastoma long kisim nupela handi kad long Pot Mosbi brens. Hua i go long benk long aplai long nupela kad bikos em i lusim olupela kad. Em ting em bai wet tupela wiks long kisim nupela kad, tasol em i amamas olsem em i wanpela namba wan kastoma long kisim kad long sem taim. Hua i tok em i amamas long benk na i tok em bai toksave long husat i laik opim nupela akaun long go opim long Westpac benk.



Bill Miname laik strongim KBK Sefti Menesmen Sistem

STRONGPELA sefti menesmen sistem i save gat HSE Manual, HSE Prosidua na ol Stendet bilong en.

Dispela em strongpela toktok bilong Ramu NiCo HSE Mensesa Sefti long KBK Main, Bill Miname, husat nau i laik strongim dispela long kamap long Ramu NiCo KBK Main.

"HSE" i min long Helt, Sefti na Envaïromen.

Bill, husat i gat Sefti Opisa Level 4 setifiket em wanpela bikpela saveman long wok bilong Sefti bihain long em i wok planti yia wantaim Ok Tedi Mining Limited na Morobe Maining Join Vensa na bihain i kam holim wok menesa wantaim Sefti long Ramu NiCo KBK Main.

Bill i tokaut olsem long kamap wantaim sefti opisa, yu mas gat level 1, 2, 3 setifiket long givim edvais, na sapos yu gat level 4, em i min olsem yu ken givim edvais long sait long sefti lo.

Bill i tok klia olsem dispela ol HSE Manual, HSE Prosidua na ol Stendet bilong en, em planti ol bikpela maining kampani i save yusim long karimaut lo bilong operesen o wok bilong ol. Pasin bilong sefti wok long fil em mas go wankain olsem sistem i stap.

Em i tok long karimaut ol strongpela na gutpela sefti program, kampani i mas kamap wantaim ol seif sistem we i go wantaim wanem nid bilong bisnis. Gutpela sefti sistem bai lukim gutpela wok kamap na sefti na bai nogat birua i kamap na tu prodaksen bai kamap gut.

"Sefti sistem em ol i kamapim long kamapim gutpela prodaksen we kampani i laikim." Bill i tok.

Bill em wanpela strongpela wokman tru husat i wok hat stret long putim kamap strongpela Sefti Menesmen Sistem bilong KBK Main. Em i wok hat long kamapim long sotpela na na long-taim sefti lo we i karamapim kontrol bilong ol kar na ol lo bilong draiva long draim kar, PPE (pesinol protektiv ikwipmen) o samting ol wokman meri mas werim na wok, Golden Rul na ol arapela sefti lo.

Taim Bill i go kamap long KBK, em i sanap strong wantaim gutpela tingting long kamapim sampela gutpela senis we i go orait wantaim save bilong ol wokman long bihainin stret lo bilong sefti na mekim wok we i go wantaim stendet bilong maining indastri.

Bill wantaim tim bilong em i bin go pas long redim program bilong Nesanel Maining Sefti Wik long KBK long dispela yia, na dispela i lukim sampela gutpela samting i kamap long soim rot na wei bilong sefti namel long ol wokman meri bilong Ramu NiCo.

Em i tok Nesanel Maining Sefti Wik em wanpela program bilong Sif Inspekta ov Mains long PNG, na as-tingting bilong em em long bringim kamap moa tingting namel long ol wokman meri long sait bilong sefti sistem insait long Maining Indastri long PNG. Olsem na long go wantaim dispela bikpela as-tingting, Bill wantaim tim bilong em long

KBK Main i bin kamapim sampela gutpela program we i kirapim tingting bilong ol Ramu NiCo wokman meri long KBK main long "Bringim kamap Bikpela Save na Tingting bilong Sefti Wok". Dispela em bikpela luksave i bin kamap long KBK Main.

Bill i tok olsem ol wokman meri na menesmen long KBK Main i lainim planti gutpela samting insait long NMSW long sait long 'Velu bilong Sefti'. Ol program ol i bin kamap long KBK i opim tingting bilong planti ol lain long luksave olsem ol ino inap popaia nating sapos ol i save long sefti lo na redim ol yet long abrusim ol hevi.

Long taim olgeta wokman meri i luksave long "Zero Harm" o "Nogat Bagarap" em wanpela bikpela go long abrusim hevi na mekim wok ples stap fri long birua, na sefti bilong ol pipel, tuls na marin bilong wok na envaïromen bai stap gut oltaim.

Bill i tok olgeta wokman meri i mas holim strong dispela bilip olsem "Sefti em Namba Wan Samting". Dispela em bilip we bai givim strong long wan wan man o meri, o grup long wok insait long Kampani long kamapim "Sefti Wok" na i ken kamapim "Seif na Moa Prodaksen".

Bill i tok amamas long olgeta wokman meri bilong Ramu NiCo long holim strong wok bilong sefti we ol i statim pinis na dispela i mas develop strong insait long bilip bilong wan wan man na meri long wok ples na envaïromen bilong em.

Em i tok olsem pasin bilong save gut long sefti em bai kamapim gutpela wok na no inap kamapim bagarap long laip bilong ol wok manmer na tu bagarapim ol masin bilong wok, na dispela bai daunim ol hevi long sait long prodaksen.

1. Bill Miname insait long ofis long KBK Main.
2. Bill wantaim wanpela wanwok Nou i sekim ol eria.
3. Givim skul toktok long ol HSE opisa long KBK Main.



salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**Wanpela
Ramu NiCo,
Wanpela
Komuniti**

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamak rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta



Senisim pasin na wokbung

ASKIM i go long ol kopi fama bilong Isten Hailans wantaim ol baia na ekspota long wok bung wantaim na kamapim moa kopi.

Minista bilong Egrikalsa, Tommy Tomscoll, i wokim dispela toktok long lonsing o opim bilong Kopi Industri Polisi Inisietiv long Goroka.

Em bin tokim ol kopi fama, groa, kopi baia, produsa na ol kopi eksport kampani long wok bung wantaim kopi In-

dastru Koporesen (CIC) long strongim wok bilong kopi long Isten Hailans, na long ol narapela provins tu husat i save mekim wok bilong groim na produsim kopi.

Em i tok, "Wok bilong kopi bai no kamap strong sapos mipela i no senisim ol pasin bilong mipela long wokbung wantaim."

Minista Tomscoll i tok, long las 25 yias, wangepa praim minista i no bin kamap long

Goroka long toktok long wok bilong i kam i nap long taim Mista O'Neill i kamap long lonsing na tok tok long kopi.

"Praim Minista O'Neill tasol i mekim dispela i kamap nau, na sapos em wantaim gavman bilong em i gat bikpela tingting long fandim na sapatim wok bilong CIC, mipela tu i mas sapatim em.

"Mipela i no ken pulim na taitim long ol graun bilong mipela we bai mipela i ken

yusim long planim na groim ol kopi, kamapim sampela gutpela rot long daunim hevi bilong lo na oda na tu painim ol narapela gutpela rot we bai mipela i ken kisim kredit o dinau mani long sapatim wok bilong kopi," Mista Tomscoll i tok.

"Lukim dispela tok piksa. Sapos mipela i lukluk i go bek long ol yia i go pinis, ol namba wan lain long kamap ol milienea long PNG em ol

man bilong Isten Hailans. Na long wanem rot ol i kamap milienea? Em long wok bilong kopi tasol.

"Olsem na mipela i mas go het long strongim wok bilong kopi long Isten Hailans, ol arapela kopi provins na PNG tu," Mista Tomscoll i tok.

Mista Tomscoll i tok amamas tu long ol kopi eksport kampani we i wok long mekim planti gutpela wok long go het na sapatim ol

kopi fama, groa, na produsa, ol kopi fama na groa.

Bihainim dispela toktok long lonsing bilong kopi indastru polisi na inisietiv, Mista Tomscoll i presentim tu ol kopi eksport laisens i go long 5-pela lokel produsa long Goroka.

Em long Namalu Kopi Produsa, Vanima Kopi Mil, Hanu Kopi Fektori, Sirigine Kopi Produsa na PNJ Kavori Limited Lufa.

Rigo Inlan pipel bai kisim helpim

RIGO Inlan pipel i stap arere long Ormand Riva bai kisim gutpela sevis long wangepa nupela 23 fut dingi, 40 hos pawa Yamaha autbot moto.

Disapela autbot moto bai helpim ol long karim ol maket kaikai i go long taun na tu, kisim ol sik man na meri i go hariap long Ormand bris long kisim bas i go long helt senta long Kwikila stesen .

Ol 14 viles i stap arere long wara na i go olsem long Didiga viles bai kisim sotpela taim long wokabaut i go long wara long kalap long dingi bihain long Rigo Inlan LLG presiden, Biari Ubuna, i givim dispela dingi long komyuniti lida, Maia Gabiga, bilong Bokukomana viles long las wik Fraide.

Mista Gabiga i tok tenkyu long presiden Ubuna long givim dispela dingi long helpim ol pipel.

Em i tok ol pipel i stap arere long

Ormand Riva i save wokabaut 5-pela aua long kamap long Ormand bris. Na sampela taim ol i save yusim ol raf o samting ol i mekim long diwai na drip long wara. Tasol nau dispela dingi na moto bai helpim ol long go kam long dispela bikpela wara.

Mista Ubuna i tok ol i helpim ol dispela pipel stap i arere long wara bikos ol pipel i save wokabaut long planti aua na tu ol sik man na meri na ol mama i gat bel sampela taim ol i save dai long traun long kamap long helt senta.

"Dispela dingi na moto ol i baim long helpim bilong Sentral Provinsal Gavman na Provinsal Edministresen," Mista Ubuna i tok.

Em i tok tenkyu long Gavana bilong Sentral, Kila Haoda, na Provinsal Edministreta, Gei Raga, long helpim em long baim ol dispela samting.



LONSING: Ol pipel bilong Goroka i amamas na raunim sekanim Praim Minista Peter O'Neill taim em i lonsim Kopi Industri long Nesenel De Pak long Goroka, Isten Hailans. Foto: Sape Metta



(L-R) Rigo Inlan LLG Presiden, Biari Ubuna na Komyuniti lida, Maia Gabiga i stap klostu long dingi long Ela Motors so num. Foto: John Iamo, CPG Midia.

NATIONWIDE MICROBANK

To open a Bank Account on your mobile phone:

just see one of our friendly staff at any of our branches nation wide or call at one of our Account Opening Agents. For further information please contact our Customer Call Centre on Digicel **16789(FREE)**

MiCash

www.microbank.com.pg

Hunters kam bek long rot bilong win

Nicky Bernard i raitim

PNG SP Hunters i kisim smel bilong win i kam bek long taim ol i winim Tweed Head Seagulls long hom graun bilong ol long Kalobon Kokopo long las wiken.

Hunters i go pas long skoa bod bihain ol i bin putim tupela trai. Tasol banis bilong ol i no stap strong bihain long 15 minit long namba wan hap.

Tweed Head i gat ol bikpela

fowod na dispela i mekim ol Hunters i go slek liklik, taim ol i wok long takolim ol long namba wan hap we ol Tweed Head i kam klostu long skoa bod.

Hunters i mekim ol sampela liklik mistek we ol Seagulls i kisim sans long ol na mekim kamap trai long bringim skoa na kam klostu long Hunters. Taim ol i go malolo, Hunters i go pas long skoa wantaim 12-10.

Kosa Michael Marum i

senisim gem plen bilong em long namba tu hap we i lukim ol Hunters mangi i bihainim dispela plen bilong kosa na lukim ol skoa na banisim trai lain bilong ol.

Ol Seagulls i painim hat liklik long brukim banis bilong ol Hunters taim ol PNG mangi go putim tupela trai long namba tu hap. Banis bilong Hunters i strong na mekim ol Seagulls i lusim planti bal na givim moa sans long Hunter long skoa.

Long pinis bilong pilai ol. PNG SP Hunters i go pas long skoa bod 36-26 taim ol Seagulls i kam bek strong, tasol taim i sot long ol.

PNG SP Hunters nau bai go daun long Stocklant pilai graun long Brisbane long bungim SC Falcons long dispela wiken. Hunters i mas strongim banis bilong ol na senisim gem plen long winim dispela pilai.

Sapos pilai i wankain olsem tupela gem ol lusim long en,

bai lukim ol Falcons bai ron isi long bainis bilong ol.

Hunters i save pilai strong tru long 10 na 15 minit long namba wan hap, na bihain ol save go slek. Dispela save mekim ol narapela tim long skoa long dispela taim banis bilong ol i no strong. Na sapos Hunter i mekim dispela kain, kosa bilong ol i mas senisim gem plen bilong ol.

Kosa Marum i tok olgeta gem bilong ol i gat wanwan plen em save mekim long

wanem olgeta tim i no wankain tasol, ol narapela tim tu save gat gem plen bilong ol taim ol i laik kisim ol Hunters.

Em tok planti long ol tim i save pilai wantaim em ol olupela tim long Intrust Super Cup. Na ol i save long ol narapela tim long pilai bilong ol.

SP Hunters i go insait nau tasol na planti tim bai paul liklik long pilai bilong ol. Na Hunters tu bai paul liklik long pilai bilong ol.

Guria i sakim Isapea

Nicky Bernard i raitim

GURIA i strong moa yet long as graun bilong ol long Kalobon taim ol i kisim ol Pukpuk bilong Isapea long opening bilong Digicel Kap long Kokopo long wiken.

Strong bilong Guria i stap long stat bilong pilai inap long pilai i pinis. Isapea i gat ol bikpela fowod wantaim helpim bilong tupela Fiji pilaia, tasol banis bilong Guria i strong moa yet.

Guria i pilai wanpela kain pilai long taim ol bringim bal i go long trai lain bilong Isapea bai senisim ron bilong bal long han bilong wan wan pilai long kamapim gep long bek lain long putim trai.

Fowod bilong Guria em ol

yangpela mangi tasol ol i yusim hevi bilong ol long ol liklik bek lain bilong Isapea na putim trai.

Isapea i gat gutpela banis long namba wan hap bilong pilai, tasol long pinisim pilai bilong ol kamapim trai ol nogat pawa long kisim ol i go.

Guria i gat olgeta samting long tim bilong ol. Ol i gat gutpela strongpela fowod, gutpela spit bek lain na gutpela pinis pilai long kamapim trai tu. Olsem na winim gut tru Isapea 44-10 long namba wan raun bilong Digicel kap long pul B.

Isapea mas wok strong long trening long Defens bilong ol na ol liklik bek lain bilong ol i ken kisim moa strong.

SP Brewery sapatim Nesanel Sofbal Sempionsip

PNG Sofbal Federesen i kisim K10, 000 sek mani long Saut Pasifik Brewer (SPB) long helpim ol long kamapim Nesanel Sofbal Sempionsip long dispela mun.

Presiden bilong PNG Sofbal Federesen, Chris Bais i tok tenk yu long SPB long sapat bilong ol.

Em i tok SPB i save sapatim PNG Sofbal Federesen long bipo yet i kam inap nau.

Dispela yia bai lukim 39 taim bilong Nesanel Sofbal

Sempionsip long kamap, na dispela sempionsip bai kamap long Is Nu Briten.

Long divisen bilong ol man na meri wantaim, PNG Sofbal Federesen i lukim 32-pela tim olgeta i kam long 14-pela hap insait long kantri.

Sponsasip na Ivents Menesa bilong SPB, Abigail Popoitai, i tok PNG Sofbal Federesen i save kisim planti gutpela risal, na long dispela as, SPB i amamas long givim sapat.



Sponsasip na Ivents Menesa bilong SPB, Abigail Popoitai i givim K10, 000 sek mani long Presiden bilong PNG Sofbal Federesen, Chris Bais.



'your life our business'

Public Notice

Water PNG to Punish Illegal users after Amnesty period

Water PNG's AMNESTY PERIOD for all forms of illegal water use has come to an end effective as of the 1st of APRIL 2014.

A Special Task Force will be deployed soon to identify and physically remove any illegal forms of connection of water pipes in all its Business Centers nationwide namely; **Lae, Madang, Mt Hagen, Wewak, Kokopo/Rabaul, Kimbe, Alotau, Popondetta, Kundiawa, Wabag, Daru, Lorengau and Kavieng.**

OFFENDERS will be punished under the Criminal Code Act and the Water and Sewerage Act. People found guilty of illegal use of water from Water PNG system without any prior written consent can be fined a penalty fee ranging from K500 to K10, 000 or even imprisoned (sent to jail).

Over the years Water PNG has been committed to provide quality water to Papua New Guineans. However illegal water usage has drastically affected its operations to provide potable water and safe sanitation services. Hence, we are undertaking a nationwide Clean-Up Exercise.

WE NEED YOU TO DO YOUR PART! Become a Legal and Responsible Water User!

APPROVED by

Chief Executive – Managing Director
Mr. Raka Taviri Jr.

Nu Kaledonia deligesen i amamas

LIDA bilong Nu Kaledonia Olimpik Komiti (NCOC), Seketeri Jenerel Christophe Dabin, i tok ol i amamas tru long lukim olsem Gems Ogenaising Komiti (GOC), wantaim ol arapela ogenaisesen long Papua Niugini, i wok strong long mekim 2015 Pasifik Gems i kamap gut.

Mista Dabin i tok Papua Niugini i bin go pas long kamapim 1991 Pasifik Gems, na long dispela taim ol i bin kamapim gut tru.

Long lukluk bilong em na deligesen bilong em taim ol i kam, em i tok olsem ol i bilip olsem Papua Niugini bai kamapim gut gen ol pilai long neks yia.

Nu Kaledonia bai i salim wanpela bikpela tim long kam long neks yia, dispela tim bilong ol bai gat 370 etlit.

Em i tok ol i bilip olsem ol i kisim pinis olgeta infomesen ol i nidim long redi long ol pilai long neks yia.

Mista Dabin i tok tenk yu long GOC long gutpela pasin ol i soim taim ol i kam.



(L-R) Dairekta bilong NCOC, Michael Quintin, Sif Eksekutyutiv Opisa bilong GOC, Peter Stewart, Seketeri bilong NCOC Christophe Dabin, Representiv bilong GOC, Salote Doko, na Representiv bilong NCOC, Paul Antoine Grangeon Poto GOC.

Wes Bu Briten Gavana Kap bai kamap

OL wok redi long kamapim Wes Nu Briten Gavana Kap i stat pinis.

Ol dispela pilai bai i kamap long Bialla long Is Nakanai Lokel Level Gavman (LLG) long mun Julai.

Gavana bilong Wes Nu Briten, Sasindran Muthuvel i bin go lukim ol ples we pilai bai kamap long en

long las wik.

Ol wok redi i wok long kamap long tripela ples long Bialla. Em long Gomu, Apupul, na Matililiu.

Ol manmeri long Bialla i wok long sanapim 12-pela haus. Ol 12-pela LLG husat bai pilai long ol dispela pilai bai yusim dispela 12-pela haus long slip long

taim bilong pilai.

Gavana Muthuvel i tokim ol komiti memba husat i go pas long ol dispela pilai long wok strong na lukim olsem olgeta samting i stap stret bipo long pilai i stat.

Ol komiti memba husat i go pas long kamapim ol dispela pilai i tok amamas

long Gavana Muthuvel long sapat bilong em long ol pipel.

Dispela em i namba wan taim bilong dispela kain pilai long kamap, na ol pipel i amamas tru.

Wanpela representiv husat i go pas long ol dispela pilai i tok ol i redi long kamapim ol dispela pilai,

na ol bai bai lukim olsem olgeta kosa, menesa na ol pilai husat i kam pilai long dispela Gavana Kap long stap amamas na pilai gut.

Gavana Kap bai lukim 9-pela kain spot olsem Ragbi Tas, Ragbi Sevens, Ragbi Yunion, Soka, Volibal, basketbal, netbal, kik boksen, na Sofbal.

Ol NSL tim bai mekim fainensel ripot

Isaac Liri i raitim

SIAMAN bilong Nesanel Soka Lig (NSL) i tok olgeta kampani husat i stap olsem sponsa bilong ol klap husat i pilai long dispela bikpela soka kompetisen bilong Papua Niugini bai mekim fainensel ripot na presenim long NSL Bod long neks mun.

Ol klap bilong NSL, na tu, bikpela o namba wan sponsa bilong dispela kompetisen, Telikom PNG, bai givim ripot bilong ol tu.

Mista Lupari i tok dispela i gutpela, long wanem, em bai helpim olgeta long wok aninit long stretpela rot, na abrusim ol kain kain pasin korapsen.

Mista Lupari i tok em i amamas long lukim olsem olgeta dairekta bilong NSL Bod i sapatim wok bilong kamapim stretpela pasin.

Em i tok moa olsem i gutpela long NSL Bod long save long ol rot we ol kampani na klap i save yusim mani.

"Planti ogenaisesen na asosieisen insait long kantri i save toktok long ol stretpela rot long ranim ol kompetisen o tonamen, ol i save toktok tasol, na i no save mekim eksen," Mista Lupari




Gavana bilong Wes Nu Briten, Sasindran Muthuvel i sanap wantaim ol pipel bilong Bialla long Wes Nu Briten. Ol pipel bilong Bialla i wok long sanapim ol haus. Ol dispela ol haus bai stap olsem haus slip bilong ol manmeri husat i kam pilai long Gavana Kap.

- Wiken NSL Dno -

Round	Date	Time	Team A	Vs	Team B	Venue
	12th - Apr	12.30pm	Oro FC	Vs	Besta FC	To be Adjudged
10		3.00pm	Eastern Stars FC	Vs	Gigira Lattepo Morobe FC	To be Adjudged
		3.00pm	Lae FC	Vs	Admiralty FC	Sik/Lae
Bye			Hekari FC			

Ol poto na stori i kam long NRL websait



SOUTHS:

TUPELA strongpela prop fowod bilong ol Souths, Ben Te'o na George Burgess bai i no nap pilai long dispela wiken egensim ol Bulldogs. NRL i saspending dispela tupela pilaia long pilai wanpela gem. Bihain long wanpela gem tupela bai inap long pilai gen. Dispela tupela pilaia i bin putim lek bilong fulbek bilong ol Panthers, Matt Moyan, na em i bin pundaun long las wik Fraide.



STORM: NRL i tok olsem disisen bilong referi long dispela gem namel long ol Storms na Dragons long Mande na it i no bin stret. Winga bilong ol Storms, Tonu Maipea, i bin skoim wanpela stail trai, tasol sairen i bin krai bipo long trai i kamap, na ol NRL i tok dispela em i no trai.

Zeming gat gutpela rekot long gol kik

Isaac Liri i raitim

TAIM ol Hunter i bin pilai namba wan gem bilong ol long Intrast Supa Kap wantaim ol Redcliffe Dolphins long dispela yia. Kosa bilong ol Hunter Michael Marum i bin lukim olsem wanpela eria we ol i mas wok strong long en, em long gol kiking.

Bihain long raun 7 bilong kompetisen, ol PNG Hunter i lukim bikpela senis long sait bilong gol kik.

Yutiliti pilaia bilong ol PNG Hunter Noel Zeming em i wanpela bilong ol gol kika

insait long Intrast Supa Kap husat i gat gutpela rekot long gol kik.

Em i gat 100 pesen rekot we i lukim em wantaim 14 aut of 14.

Taim ol Hunter i pilai wantaim ol Tweed Head Seagulls long las wiken, Zeming i kisim 4 aut ov 4.

Long ol poin bilong ol pilaia long kompetisen, Zeming em i gat 40 poin olgeta.

Kosa Michael Marum i amamas tru long lukim olsem Zeming i gat gutpela rekot na em i salensim em long wok strong moa long sait bilong gol kik na kisim gutpela risal.



Noel Zeming i stretim gut bal na redi long kikum i go insait long gol pos Poto Nicky Bernard.

SPOTS DRO RAUN 7

Fraide: Epril 18, 2014

ANZ Stadium
Rabbitohs V^s Bulldogs

Hunter Stadium
Knights V^s Broncos

Sarare: Epril 19, 2014

Central Coast Stadium
Sea Eagles V^s Cowboys

WIN Jubilee Stadium
Dragons V^s Warriors

Remondis Stadium
Sharks V^s Roosters

Sande: Epril 20, 2014

GIO Stadium
Raiders V^s Storm

ANZ Stadium
Eels V^s Tigers

Mande: Epril 21, 2014

Sportingbet Stadium
Panthers V^s Titans

Raun 6 Poin Lata

Pos	Tim	W	B	L	D	Pts
1.	Titans	5		1		10
2.	Bulldogs	4		2		8
3.	Tigers	4		2		8
4.	Sea Eagles	4		2		8
5.	Eels	4		2		8
6.	Storm	4		3		8
7.	Rabbitohs	3		3		6
8.	Broncos	3		2		6
9.	Dragons	3		3		6
10.	Panthers	3		3		6
11.	Roosters	2		4		4
12.	Cowboys	2		4		4
13.	Knights	2		4		4
14.	Raiders	2		4		4
15.	Warriors	2		4		4
16.	Sharks	1		5		2

QRL Intrust Super Cup draw Raun 7 poin lata

Round 8 (19-20 April)

Home	Vs	Away
Easts		Burleigh
Sunshine Coast		PNG
Tweed		Bye
Norths		Souths
Capras		Wynnum
Ipswich		Pride
Mackay		Redcliffe

Pos	Tim	W	B	L	D	Pts
1.	Pride	5	1	1		12
2.	Devils	5	1			12
3.	WM Seagulls	4	1	2		10
4.	Ipswich Jets	4	2	2		10
5.	Redcliffe Dolphins	2	2	1	1	9
6.	Hunters	3	1	3	1	9
7.	Burleigh Bears	3	1	3		8
8.	Magpies	3	2	2		8
9.	Tigers	2	1	2	1	7
10.	TH Seagulls	2	1	4	0	4
11.	Mackay Cutters	1	2	4	0	4
12.	CQ Capras	0	2	0	1	3
13.	SCoast Falcons	0	1	6	0	0



- 1. KETSIM MI: Winga bilong Guria Tau Pritzerald i train long ron we long John Horope bilong Isapea long opening bilong Digicel Kap long Kokopo.
- 2.YU KAM: Srongpela winga bilong PNG Hunters Gerry Low i train long abrusim tupela pilaia bilong Seagulls long pilai bilong long Kokopo. Hunters kisim win bilong kam bek taim winim ol 36-26.
- 3. Hap taim amamas long Kalobon Kokopo.
- 4.NAMBA WAN PILAIA: Roger Laka i kisim K500 long han bilong Managing Director bilong Southern Enterprises. Roger bin pilai gut tru long Kalobon taim ol kisim Seagulls long wiken.
- 5. OPS: Lok fowod bilong Hunters i train strong bilong em.
- 6. Keten resa pilai namel long tupela skul tim bipo long oping bilong Digicel Kap long Kalonon Kokopo.



TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.



Moa oil na meat insait

INSAIT

Hunters kam bek long rot bilong win

Nu Kaledonia i amamas



- Pes 25

NRL na Intrust Super Cup dro

- Pes 26

Wanpela pilaia bilong ol Tweed Head Seagulls i takolim yutiliti bilong ol Hunter Lawrence Tu'u, na senta bilong ol Hunter Albert Patak i lukluk long baksait Stori long Pes 24. Poto Nicky Bernard





PMV
DIESEL OIL



BOROKO MOTORS

PORT Moresby	☎	325 5255
LAE	☎	472 1144
MT HAGEN	☎	542 1833
TARUBIL	☎	649 9046
KIMBE	☎	933 5035
MLADANG	☎	422 2658
WOKOPO	☎	932 8192
GOROKA	☎	932 3352

Email: info@borokomotors.com.pg
 Website: www.borokomotors.com

PMV OIL BILONG YUMI